

T5236.0/4432

26

文翰類選大成

文翰類選大成卷第六 一七言律目錄

九

鄧紹先十一首 胡士初十首 倪太初十首 江學庭一首

吳德基一首 吳慶伯二首 鄧德良三首 吳弘字一首

王伯良一首 張士六首 貝廷臣一首 游子敬五首

王懋達六首 何夢桂六首 陳克明十一首 侯祖望二首

胡子申二首 章士一 劉用正二首 傅季生七首

胡伯友三首 易昇一首 龍叔昂二首 龔季大一首

麥敬存一首 桂秋一首 饒心道一首 俞子中三首

黃叔彝一首 陳叔華十一首 艾季誠一首 高文矩一首

施景舟三首 徐守約四首 桂如祖一首 趙宗詰一首

王茂建六首 袁仲徵一首 張孟植一首 裴汝器二首

哈佛大學哈佛藥宗圖書館創刊珍藏印

黃元鎮四首卜方曾五首楊叔倫三首李伯棟二首

丁瓊翁八首墓中二首畢舜民一首徐天樂二首

徐伯通一首管二德二首楊端如一首潘多喆一首

張子東四首江以實三首劉明子二首陳舜咨一首

陳平仲四首汪佐亨一首余叔容一首黃誠父一首

葉仲與一首胡公為二首周彌高二首劉光烈一首

王伯益二首趙志元二首周子震一首傅子初三首

董宗文四首貢道父一首高鼎玉一首李仲美一首

陳子正四首祝復子四首黃中玉一首馬子尚一首

祝彥祥一首查虛居一首葉景南五首釋夢堂二首

釋元叟一首釋中峯一首釋笑隱五首釋宗海一首

釋楚石一首釋玄中四首釋古明一首釋蘊中二首

釋道原四首釋裕之二首釋古鼎一首釋大章二首

釋斷江一首釋仲銘四首釋心六首釋法智三首

揚節齋三首無名氏三首

文翰類選大成卷第六十二七言律目錄

文翰類選卷第六十一

左長史上海李伯璵編輯

伴讀慈谿馮厚校正

詩類 七言律

元

題龍淵亭

鄧紹先

清虛結構架清冷白晝軒窓紫霧生
日影搖波金甲動月光照戶寶珠明
卧雲幾誤來山雨濯足長疑踏海鯨
一勺清冷藏渤海飛潛誰識至陽精

寄萬德躬

禮樂河汾費討尋郢歌一曲想鳴琴
烟花故國三春夢劍珮空山此夜心
天上鳳麟來瑞世人間風雅起淳音
白頭肝膽

平生友霄漢相期意獨深

晴碧軒

矚靈東射泰山巔六合長風散曉烟數點彩雲飛欲盡一雙
白鳥去無邊熙之人在光風裏漱之神遊太古前老眼由來
空四海遙瞻廬阜挹飛泉

和喜山尚書九江舟中聽琴

志士哀時恨未平孤桐蕭瑟起商聲冰絃風露三江靜紫關
雲烟五老清倚竹湘娥秋恨遠停梭鮫客夜魂驚相逢為鼓
南薰操起我悠悠萬古情

送楊希武郎中觀兵撫達回金陵

六代離宮艷綺羅人間瓊樹有遺歌東山謝傅風流在南浦
江淹感慨多上國鶯花歸鳳沼偏舟風雨老漁蓑故人周子

書掃投筆高懷近石何

寄賀少監

南遊湘漢北趨燕早歲聲華已傑然凋儻魯連天下士風流
賀監酒中仙百年禮樂興堯運一代文章入漢編倦客江南
相憶甚好將消息到林泉

題洞陽觀一碧軒

三山樓觀碧雲孤曾共仙人醉玉壺星斗滿空連上下乾坤
萬籟入虛無漢皇遊女秋遺珮海底驪龍夜吐珠一別洞陽
聲窸窣白蘋秋思繞清都

酌辛好禮

晚聞君有遠行書來深慰客中情青袍事業時將邁白首
文章老更成醉酌天將紫愁北斗笑翻滄海泣長鯨五雲墮

金聲振化作朝陽彩鳳鳴

元夕宴劉彥常宅

秉燭歡遊夜未厭襲人春霧落纖之梁塵歌動風生席鼎蒙
香清月轉簷呈珮樽前聯錦座綵雲天上隔珠簾銅壺滴露
春宵短欲挽東洋海水添

贈日者張海槎

渺之靈槎海上仙歸來人世幾千年家無織女搗機石
君平賣卜錢玩易心游天地外尋源身到斗牛邊少陵白髮
憂時久莫說天津有杜鰲

上程知府

桂林高折一枝秋星斗文章煥九州書軌忽駭馬南北異江山
不盡古今愁離離經濟才難得戰伐瘡痍病未瘳

天下選謝安江左獨風流

文子方郎中奉使交趾

胡士則

漢郡風烟接九真陸生談說尉陀臣路經銅柱秋雲暮六入
朱鳥曉日春昨夜玉階宣諭重當年金匱校讐新殊方若論
多才藝為說中朝更有人

宋定遠赴京并柬翰苑諸友

桃花浪煖鯉魚跳送別殷勤折柳條一角祥麟符漢武千金
駿馬出燕昭豐城劍氣干南斗長樂鐘聲和早朝若到鑿坡
煩寄語江南烟雨老漁樵

寒食有懷史局

丘墟人靜野烟空今古茫茫恨不窮花下麒麟黃壤墓樹頭
杜宇碧溪風千家杏酪春風裏一架秋千淡月中昨夜共聽

寒食雨三年尚想鼎湖弓

吊淮陰故城

此處王孫別釣磯蕭何與語便相奇封侯誤取真三印開漢
空煩大將旗事去冷烟沉舊恨潮來寒雨打荒碑有懷倚棹
空城裏日暮春風吹柳絲

贈張貧樂

人間富貴定何如仙子飄之一物無夜醉碧桃和鶴舞春耕
瑶草與龍呼鬼神莫測先天竅雷電長隨太乙符高安玉泉
多勝槩俯憐金塢幾愚夫

徐州春暮

三秦已屬真龍子萬古空餘戲馬臺燕子經年江上別桃花
一夜雨中開鼉鼉洶湧清流合塔廟餘雲碧嶂回日暮黃樓

登覽遍蘇仙不見使人哀

懷來思親

雲開彷彿認磨笄南眺燕城萬樹齊沙磧無風蓬自轉榆關
有月馬頻嘶經行驃騎三軍北瞻望龍光兩劔西七十慈親
經歲別一秋歸夢五更迷

寄簡吳宗師

倪太初

桂旗蘭蓋蕭駉駉暫領仙官出禁闈泰時神光脩夜祀函闕
紫氣望東歸蛟龍死尾承香案鸞鶴分翎織縞衣列岳偏祠
迴祝冊五雲高拱近天威

奉呈虞侍講二首

文帝中興載武威元臣高步列彤闈玉鞭調馬陪春宴銀燭
迴鸞從夜歸立仗官曹移講席捧香侍女拂朝衣龍輿一云

橋山遠獨抱孤雲萬里飛

五載抽毫侍禁中上賓虞舜協時雍
頻裁密誥頒三省旋寫新詞降六宮
金井蟾蜍分碧露玉杯鸚鵡醉香風
詔歸特賜金蓮炬迢遞蒼龍闕角東

題張真人觀回行卷後

龍蟠虎踞漢仙家碧玉樓臺護紫霞
春在荷蘭開奕葉風喧珠樹吐一花
霓旌翼駕朝元早乘笈傳書卜世遐
忝是蓬萊山畔客星河慣識二天槎

送道者歸閩省親

採藥求仙碧海東客行重入故鄉中
銅盤露滴三秋月玉指飛霜五夜風
榕葉盡從來後老桃花只是去時紅
南真奕世多仙氣鶴岳峰頭幾歲逢

送人入京二首

十載秦城夢寐間客衣重著思漫漫
江河衆水分流出濟岱諸山對海安
茅店曉鷄霜月白柳橋飲馬曉風寒
舊歲篋內陰符在贏得蘇郎對雪看

牢落乾坤見二毛登丘却望鳳城高
城頭擊柝檣烏起塞上吹笳擐馬號
壯士語深留寶劍故人情重贈綈袍
廟堂進用多才傑清眼高歌望尔曹

贈人遠遊

遠辭西月謝松蘿頻倚郵亭拂太阿
乘解鸚鵡春卧穩盃乾鷄鳴夜吟多
三韓方文連滄海華岳南隔大河此
地經過重回首天門佳氣正嵯峨

題壽春堂

兵衛森門列綵獸使君堂上足歡娛
東風動九衢千歲崖松收琥珀三秋
猶遺澤交葉蘭芳祈慶符

題成趣亭

吳天亭臺水竹間百年幽興滿
晴來卧看山書日鳴鷄花下散春
城西宅草就文經未得閑

題福濟廟

江學庭

故宮秋草翳龍鸞萬古英靈此地
曾識漢衣冠賈生遺恨蒼波遠主
心尚在斷雲斜日是長空

過句城懷余先生先生死夫人暨子及麾下紀李陳

諸將皆死其烈感而賦此

吳德基

一門三節動當今况復偏裨力足任
無客不同心經傳漢獄情無已
淪沒後皖城萬古一銷魂

次韻奉題吳彥貞華林別業

吳慶柏

郡城南去有華亭花木成林竹繞汀
鷓鴣隔雲屏分栽柳入陶潛傳點
老孫子對江相均玉樂清寧

聞笛

三弄何人竹響流曉風吹盡夕陽收
能非馬督郵谷鳳鳴當初出日水能
梅花落明月關山萬里游

元日

鄧德良

丹鳳銜書詔改元黃鷄催曙燭花圓諸侯虎拜王正月天子
龍飛帝二年山郭擁雲隨曉仗海霞擎日上春天江闌地暖
風光早紅杏緋桃已爛然

○送醫學教授陳杏林之潮州

重出

三千驛路上灘舟九品醫官半石羊藥市得錢添月俸杏林
收穀當公田北書漸遠江鴻少南食初嘗海鱸鮮不用越巫
驅瘴癘家家傳取衛生篇

送章宣慰征廣海

元戰小隊海南天龍虎金符照去端細柳一營軍十萬潮陽
兩月路三千鄉關遠近同明月鼓角清雄獸瘴烟卧護不煩
勞半鐵龍聽夢斷已多年

別浦漁歌

吳弘宇

西風吹動木蘭舟一曲漁歌萬古秋音調何心諧鳳律風波
無處著羊裘江空鷗鷺同為侶水落魚龍不近釣明月滿缸
應罷釣得魚沽酒復何求

喜危伯明教授上京回詩以奉柬 王伯良

大兄甲子甫周圓又捧除書下日邊太守正懸高士榻諸生
竟設廣文籟池芹時雨添新墨壇香薰風拂舊絃老病客牕
依泮水願分餘潤及同年

題韓民瞻送李經歷兄弟還鄉行卷

幕府人誇兩弟昆嫩如玉樹倚春温忽瞻親舍雲千里謾把
離亭酒一樽汝水夜涼梧葉老沁園秋淨菊花繁誰知贈別
歸盤谷猶是昌黎舊子孫

泊西興

張士敬

行如歸鳥未安巢泊似枯禪暫解包軟語逗遛吳地習拙詩
慙愧越僧抄未諳上酒隨宜飲旋買江魚借具庖有酒得魚
身是客絕勝無酒與無肴

和蔡山長九日見寄

行看去馬與來牛雨送新寒入弊裘烏帽風高欺客醉龍山
地遠共誰遊閑搔白髮懷千古笑折黃花了一秋但得興來
隨分樂底須騎鶴上揚州

春日神溪作

溪館無人自獻酬塗鴉棲壁記芳遊山藏古廟神如在船掛
輕帆水倒流兩岸人家隨地樂一灣楊柳帶煙愁眼前樓
江湖客誰肯忘機對白鷗

寄吳用臧

憶昔騷壇一字師至今遺墨聚瓏珠月中斫桂名雖在腹上
生松夢未符孔伋中庸堪振祖呂蒙英略復非吳少年自是
龍門客他日煩君問故吾

古洪脩琴自遣

越北燕南走半生迩來稍稍樂山林一編古史千年事七尺
頑軀萬里心興盡轉蓬懷故國夢回欹枕聽寒砧世間甲子
何勞數自息心機整舊琴

送王鍊師遊茅山

半老情懷斷宿攀紫芝山下遇黃冠笑談如食中邊蜜呼吸
期成內外丹道法暗符天地妙文章光射斗牛寒神仙只在
人間世底用蓬萊山上看

送友人之姑蘇

具廷臣

黃金換土築姑蘇形勢千年入霸圖
鳳閣鸞臺分兩省虎符龍節鎮三吳
軸轡日暮回滄海鼓角霜清落太湖
會賦壯遊詩百首瓊花楊柳似江都

題方壺萬里意圖

游子敬

仙人繹思運霜毫彷彿駘山走海濤
雲擁翠華馳八駿天開皇極斷連鰲
庄廬迥接南滇濶碣石遙連北斗高
俯仰不窮千古意龍沙飛雪寸心勞

戲馬臺

戲馬臺前落日遲英雄曾此駐旌旗
分王西楚功何盛失守三秦事已危
垓下悲歌漸與父帳中超舞泣虞姬
落花芳草空基畔逝水東流不盡悲

歌風臺

豐沛鳴鳶萬葉歸酣歌游子故鄉思
歎勞自信推三傑宴樂寧忘守四夷
日月尚隨丹鳳輦風雲長繞赤龍旗
荒臺遺址今猶在蔓草寒烟鎖斷碑

別吳德潤寄常元紀

露下江城碧樹秋翠微相對坐消憂
高情季子空留劍多病潘郎獨倚樓
綠酒黃花堪盡興錦屏瑤瑟迥添愁
過家為報常都尉憔悴滄浪一釣舟

送楊知事歸天台

三年書考騰飛鷲千里歸心寄斷鴻
楊柳畫船懸夜月菖花流水繞春風
丹霞未負幽栖志翠幙猶存贊畫功
矯首烟塵眇何許赤城雲氣與天通

鍾陵懷古

豫章臺上看西山詞客傷心悵望間千里鷺花連越雋三江
烟雨暗荆蛮仙人騎虎歸何處帝子鳴銜去不還唯有東湖
煙草綠月明依舊水潺湲

葉禹壽留宿

風塵相顧鬢先華高館清樽對菊花王粲含情思故國賈生
流恨滿長沙光搖銀燭歌聲轉漏下銅壺月影斜河漢無雲
清且淺欲隨仙使泛仙槎

贈風鑒謝理觀

觀人論理世應無驚見先生藝絕殊溫潤春烟生玉樹清高
秋月照冰壺艱危那得陳平美調笑聊為蔡澤愚相顧止言
詩律細固知漁釣老潛夫

秋興

野曠天高露氣浮月明烟冷水空流愁連鼓角雙蓬髮秋
江湖一釣舟綠酒難逢陶令醉蒼生無復謝公憂百年世事
塵埃裏默之含情獨倚樓

吳憲使入道

回首繁華跡已陳仙衣元不浣埃塵誰知紫極宮中客曾是
金銮殿裏人芝草暖雲丹竈曉挑花流水玉壇春不須更問
長生訣千古高風自不泯

寄張士敬

天上星辰動紫微人間使節望清儀
新傳節嬪詩華蓋綵雲春色近東湖
紅日曉光遲風塵荏苒頭俱白千里江山勞夢思

寄吳石雲道人

氛埃終起客離家萬事傷心兩鬢華
霽雪難消南海瘴春風還發上林花
久知季札猶懸劍安得張騫共泛槎
今古才名俱若此側身西望一長嗟

又寄前人

避地殊方素願違故人相見眼中稀
桃花著雨春猶淺楊柳牽風力尚微
白首每慙黃牀度青山遙對謝玄暉
無言懶醉山中酒日暮殘雲滿目飛

聞宋子瑜歸

朝辭幕府解戎衣夕向空山覓紫芝
彈劍自傷為客早折腰方嘆去官遲
蕭蕭白雁西風勁采采黃花夕露滋
却憶江波垂釣叟白頭猶作帝王師

所聞有感

塵飛鹿走力難任巡幸沙邊悔恨深
鳥篆未經嘶軹道龍文先自徙汾陰
空傳行在淪孤憤無復寰區遏八音
聖德神功俱泯滅英雄千載一沾襟

寓興

王懋建

小齋清寂雨晴初養拙生涯偶自如
夢裏屢尋芳草句病來慵寫絕交書
烏啼綠樹輕烟暖花落閑階過客踈
却羨陶潛幽趣好長歌吾亦愛吾廬

題鄒氏翠濤軒

長松落之俯危軒疊翠凌濤際九天
滿戶秋声三峽雨一簾晴靄五湖烟
仙禽宿穩听偏慣楚客竟清醉不眠
吹罷玉簫心似水半鈞涼月夜娟娟

題仙山圖

層之石徑遶山斜
樓臺擁彩霞
物外田園閑
世界雲中鷄
犬旧生涯
曾無隱地名
愚谷長見仙
蹤入回家也
擬扁舟約漁父
沿溪處之訪挑花

懷友人久宦于蜀

夢魂幾度越瞿塘
念子羈離宦遠方
望眼双穿無鴈信
畏途千里阻羊腸
觀梅有詠留東閣
載酒何人訪草堂
最想杜鵑明月夜
東風潭上百花香

雨後偶題

倚居盡日閉柴關
苔迹清幽綠樹間
中散絕交琴趣逸
文園多病酒壚閑
浮萍生計隨塵夢
芳草吟情憶旧山
自昔紉蘭風致好
杜鵑催客幾時閑

初夏寄興

日長庭館倦琴書
久病情懷偶自如
苔徧空墻新雨後
泥香小徑落花餘
耽閑會遣形骸累
向老全將世味踈
風滿北牕清夢覺
兀然心境上皇初

乙卯春過西湖

何夢桂

白髮星之紗帽烏
怕隨年少過西湖
清明上冢行人在
寒食開門宮使無
半世行藏隨杖履
百年悲樂寄尊壺
歸來第五橋邊路
半樹斜陽噪畢逋

上留忠齋

昆明灰出化塵縞
夢遶邯鄲黍一炊
鍾子未將南操變
庾公空抱北朝悲
歸來眼底湖山在
去後心期浙水知
白首門生憐未死
青山留得裏遺屍

上張按察

玉節星軺浙水邊，好將疾苦問愚黔。十羊九牧鞭俱弊，一鼠
群鴉肉未厭。地處覆盆渡日月，天教持斧拯閭閻。吳山不逐
行人老，留取聲名衆具瞻。

見梅懷方山房

玉堂佳人中瓊英，月下乍見心眼明。香心野雲壓不死，幽韻
天風吹更清。玉龍聲高夜漏下，綠夜舞短天鷄鳴。歲寒相見
苦易別，安得白頭數弟兄。

讀書有感

短髮凌霜強自搔，可能書劍更徒勞。春秋已降功名薄，秦漢
而來智術高。天外寸心孤鴈影，人間萬事九牛毛。却怜刺股
走羊舌，狐貉何曾恥緼袍。

寄田按察

尊酒長亭憶別離，參差吹斷竟誰悲。我懷知己慙驥茂，公喜
逢人說項斯。一塢烟霞雙鬢老，數間茅屋二天私。錢塘日暮
長江濶，薄擷芳馨寄所思。

送施景舟還宣城

陳克明

清朝取士得才難，未許將軍晚歲閑。故遣老成辭上國，欲將
文化定南蠻。九天雨露群生遂，萬里風霜匹馬還。今日故園
歸興好，長吟飽看敬亭山。

效唐人賦宮人入道

長門一別赴琳宮，寧復中宮促綉工。紅葉人間無舊夢，碧桃
天上自春風。步虛尚覺宸光近，歸去還疑輦路通。猶有內家
簫管在，夜深吹向月明中。

奉題張真人所畫秋林平遠圖

仙人放筆畫古木蒼蒼秋色出林阿月明滄海珊瑚影雪獸三
崑崙鉄石拘統素烈裂霜秋水淨紫苔封石錦垂多朝元鶴駕
歸來晚烟雨空山長薜蘿

題華山羽士脩靜閣

道人脩靜倚高寒樓閣憑虛萬仞山寶蓋入雲天尺尺回蒼
凝露月中間神閑不動存真氣丹熟成功養大還夜半浮立
迴鶴駕天風珂珮玉珊珊

中秋有感

畫省曾陪冠蓋遊華筵詩酒宴中秋星河不動天如水風露
無聲月滿樓皓齒纖腰催象板珠簾涼影上銀鈎于今寒
江城暮烏帽西風嘆白頭

秋江晚渡

峰巒千仞翠氤氳樓閣凌霄日欲曛秋水淨涵千頃玉野航
晴度半溪雲樹頭紅葉高低見谷口蒼烟遠近分見畫自慙
羈世俗擬從林壑游

雲山讀易

山雲空翠濕衣襟誰識山中讀易心掃石林火香清澗曉研朱
滴露碧松陰一圍太極盈虛定萬古包犧造化深六十四爻
披閱罷隔溪啼鳥夕陽沉

題高將軍所藏高彥敬青山白雲圖

積翠層巒霧未消兩崖晴靄白雲飄僧歸黃葉秋林寺泉落
青松石澗橋杜曲花開應有約柴桑酒熟定相招山翁不厭
頻來往短褐寧辭杖屨遙

高大使吳淞歸興首

楓落吳江白鴈飛天涯游子正思歸香消夜月青綾被涼入
秋風白紵衣江浦蒹葭含雨兩驛亭楊柳帶斜暉分明記得
西湖上載酒蘭舟近翠微

題高理瞻所藏小景圖

昔年為客楚江邊雨霽江南二月天楊柳回橋深淺水桃花
春岸往來舡新篔簹白酒浮盃醺旋買青魚出網鮮因見畫
驚馬日夢東風吹面鬢蕭然

送僧遊廬山

孤雲來自帝王州名刹江南許遍遊山色半天青似畫松聲
六月冷如秋補衣遺線曾移石渡海浮盃不用舟歸到叢林
講經罷碧蓮池上月如鉤

柬程彥肅求梅

朱朝文獻舊家声深隱吁江遠俗情共閣贖藏黃卷在梧軒
還似玉堂清閑書草聖翔雲秀不醉馬梅花伴月明欲請補之
描數幅東風吹送到山城

感興

鳳皇山下野花開又見東風燕子來主將深居營玉壘王官
行樂載金罍裂麻解使陽城哭作賦徒令庾信哀多少高人
隱屠釣尚推門第不論才

病鶴巢

侯祖望

久無魂夢到蓬萊遠托雲松戶牖明開風露一枝寒骨冷海天
萬里此心灰自尋玄境棲真趣誰識丹砂養聖胎唯有侯
窮猶甚結茅共卧碧山隈

寄饒孟式居梅希富館

千年高趣兩拄杖半世多情三折肱野屋看雲閑伴鶴石泉
煮月澹如僧青山留客故人酒白髮看書深夜燈喜有梅花
識清思一浪春色照寒冰

送人從軍

胡子申

漠之黃沙障曉氛離之紫塞立中軍三邊虎旅風雲氣七尺
龍駒錦綉文齊國金貂加上將漢家銅柱表奇動朝廷日獻
平戎策茅土終當驗等分

去國

去國飄之眷治隆為農霖之願年豐投金空學屠龍技拖玉
深慙搏虎雄斷石土花誰試劍荒臺雲樹自歌風微軀恨不
凌霄漢六合乾坤入望中

送虞伯明教授南歸

查士熙

鯉魚吹浪柳花香春水還乘一去航天外青藜歸太乙人間
華髮老文昌疾風筆陣開生練細雨書談校底囊好為聖朝
管教鐸育才取次進明光

歌風臺

劉用正

擊筑酣歌倚大風高臺良宴故人同江東兵甲銷沉後大下
河山指顧中萬乘襟期開宇宙千年形勝傲英雄霓旌立斷
蒼烟上還有神靈托沛豐

送高伯昌之京

西家承學尊東魯南土頻年望北庭書劍一身踰嶺嶠帆檣
萬里渺滄溟寒銷玉宇燕山碧春動銀河柳柳青明日黃金
臺上客詞華早為播芳馨

題李神童卷

傅季生

建炎丞相賢孫子奕世衣冠此地居
捲角遂登群彥表讀書
渾破五車餘松筠四合空山靜
雲霧東來故國虛復見諸孫
甘遜息百年佳氣自充閣

贈翠雲道人

天上春濃早挂冠
山中日永自脩丹
夢回紫禁禁烟花
晚思入
滄洲海月寒吳地
子真非市卒
漢廷曼倩本仙官
不須長忌
時人識夜夜吹笙引鳳鸞

送余元彰之番禺尉

服役中朝蹟已宣
授官南海秩仍遷
歸航秋迥淮河月
公署
春明嶺嶠烟共識
仇香能善俗
自云梅福遠求仙
從來郡邑
尊庶吏美政
應將繼昔賢

代贈

翾鳳駭禽調未回
肯教緣分落塵埃
官中舊識元才子
天上
今聞馬殿魁寶扇
秋詞傳樂府金箋
秋信寄蕭臺桂香
滿袖
君還省舞徹霓裳
却共來

試筆偶成

朝晴試墨敞松庭
引紙當軒筆復停
莫以好臨千米帖
遂無
求寫換鵝經香綾
綉句疑雲乃采翠
石竒文繁鳳翎尚
想鷄林
真蹟重晉公千帛
一題銘

題鍊柱

西山樓閣凌空去
特鑄玄金鎮此都
八鑠深維坤軸穩
重淵
高峙漢槎孤波濤
不動妖螭窟雷雨
長懸寶鳳符春水
年年
繞城郭神功那得
論虛無

寄題劉元善停雲樓

劉郎結托多豪雋春雨登樓感別離
灑灑煙塵難遠道悠悠山水足
幽期江花落盡啼鶯後階柳深
如繫馬時遙想朱簾空外捲
馬詩重疊寫陶詩

送僧之廬山

胡伯友

廬山之峰青到天百鳥不敢巢
其巔凌空踏雪双赤脚入定
坐雲偏袒有天池夜光散紅葉
海門秋色歸白蓮蒼岩三百
有六十一日應須住一年

送人之九江

四野鏡歌起暮愁壯年激烈載書遊
九江月白琵琶夜五老天青
蕩音秋對酒豈無司馬在巢雲
應共謫仙留但逢勝地曾登眺
多寫新詩寄白頭

次厓詩為張幼祥賦

乘槎張子天河客河與洪厓絕頂通
日照畫闥朱蒼樹表泉春藥碓
白雲中古丹九轉芙蓉火靈大
双迎枸杞叢借我雪精騎半月
逍遙遊遍藥珠宮

送黃脩永之武夷

易景升

武夷山中隱君子聲名海內共
不傳承詔頻煩虛束帛著書
辛苦作千年春風盡入淮南座
夜月空懷剡曲船政憶鄉閭
仍送客海榴花外雨如烟

題連珠上人鑿卷

龍叔昂

佛經講罷究鑿篇鑿術能同佛法玄
應供無方還搗藥燒丹有室就安禪
道源鷲嶺真非妄方出龍宮祕不傳
千載神僧疑再見珠林還在白雲邊

送饒季讓進士赴京會試

幾載明經學績文忽看超出鳳毛群
瑤林春色天邊覽金榜名香日下聞
制作定追周禮樂對揚宜述漢功勛
嗟予老疾唯栖遜拭目高翰麗五雲

次韻答吳士行

龔季大

喪亂飄蓬十載餘偷主何地是安居
山中歲月形骸老天上風雲夢寐疎
濁酒盈缸香泛蟻舊書滿架蠹生魚
何年得遂幽拙志白鹿穿花駕小車

挽周處士

麥敬存

山木蕭蕭雲不飛溪橋回首泪沾衣
棊閑石上樵歸久茶熟門前客到稀
返劍徐君慚自信執鞭晏子頤空違
可伶玉樹無顏色双倚寒窗對夕暉

骨笛

桂秋

九皋声斷楚天秋玉羽丹砂一夕休
枯朽半存生死調凄凉吹盡古今愁
魂歸遼海身如夢斷江城月滿樓
惆悵主人三弄罷杳無消息到揚州

四無居士輓章

饒心道

為誰留滯恋脩齡牢落栖遲酒半醒
短髮謾憂天下白好山偏入夢中青
風塵有地歸神物河漢無人識客星
汗漫赤霄玄圃外仙螭相待駕雲駟

次韻陳伯昂見寄

俞子中

關河瑟瑟暗烽煙矯首遐觀獨悵然
徒見舟車勞驛使未聞山澤訪遺賢
黍稷古塞初寒夜霜滿征衣欲曙天
自笑儒冠只如此窮通何必卜筵筮

病起口占

憶昔辭家塞北遊，朝來何事怯新秋。
床堆藥裹塵侵几，風靜書牕月滿樓。
伏櫪長鳴憐老驥，引杯含淚惜吳鉤。
旌旗明滅西城路，落日長煙起暮愁。

堵無傲討賊獲功任金壇縣尹久別無信作此寄之

春入掛盤歲復除，故人不可寄一行。
書虎頭年少方投筆，鶴髮慈親正倚閭。
鷓鴣雲裏羽翎翻，犬羊巢穴悉丘墟。
丈夫出處皆前定，莫向明時較疾徐。

題海雲樓

黃升燹

見說飛樓高入天，凌雲直上望海如川。
乾坤影浸三山樹，吳楚青連萬古煙。
鷓鴣背笠箭鏃，籟發龍嘘簾箔。
夜珠懸從遊擬達，登臨頭試上慈航一問禪。

是詩以環翠亭

陳炳華

城西高亭森萬竹，重門積翠常陰陰。
雲開不見月在地，雨至忽驚秋滿林。
已闡深處可留客，向復靜中宜鼓琴。
潛溪學士有高詠，清風劃起蛟龍吟。

附書往吉水姻弟蕭聞政

二十餘年不見君，近來消息始相聞。
幾回夢寐曾同語，一段情懷未忍分。
苦憶椿萱推短景，幸傳蘭桂謁清芬。
附書為報今垂老，日斷長空日暮雲。

洪以德求和登亭靈山詩有仙觀依原韻以答之

訪道崆峒已倦游，定知此地有蓬丘。
松華石上長如雨，芝草山中不計秋。
却擬閑來銷百慮，欲窮高處豁靈眸。
雲端信有尋真路，若遇安期定少留。

題松溪道隱

一箇長松澗畔青，故人為此製茅亭。洛陽不識仙為呂，華表今知鶴是丁。囊底誰傳食玉訣，窓間自寫換鷲經。白雲深處無人到，歲晚相期斷茯苓。

謝丁允望惠詩未及答

憶君長誦寄來詩，落月空梁入夢思。欲報瓊瑤嗟已晚，每看珠玉媿先施。江天露冷蕪葭老，野日霜晴橘袖垂。最說松溪來往近，曾因樽酒話相知。

江上對月

晚涼江樹作秋聲，夜久東林月正生。銀漢欲流翻倒瀉，金波不動湛空明。汀風露荷香濕，萬里山河挂影清。坐見沉沉人似水，玉繩斜轉斗杓橫。

送黃公偉考滿赴京

青原文物擅當時，太史聞孫衆共推。芹泮久持夫子鐸，杏壇重近董生帷。九年考績應書最，千里趨朝又及期。雲路好登清要地，夔龍同集鳳皇池。

送吳彥貞赴京

先生皓首老窮經，秋夜猶囊案上螢。誰遣薦章來魏闕，要陳時務對虞廷。中州禮樂追三代，西漢文章應五星。此別未須辭老病，正當麟鳳集郊坰。

正月人日喜晴書懷寄陳克明

春風吹煖雨無聲，人日難逢此日晴。少壯不期今老大，艱難轉憶舊升平。差科總動無窮事，迎送相忘有故情。為報吾宗老詞客，乘閑過我話平生。

答本虛上原韻

書倦猶思石鼎茶乘閑欲訪梵王家穿林緩步尋芳草掃石
輕移惜落花忽見催詩來急雨曾留酌酒汎流霞此時寂憶
安禪處夢繞空梁落月斜

春晚

遠風微動浪紋生落日斜連野色明晚迳鳥啼泥滑春山
人伐木丁之數株官柳千條亂幾箇漁舟一葉輕何處棹郎
歸去遠月明溪上踏歌聲

湖口舟中望匡廬寄許仲孚

艾季誠

舡到平湖繫淺流倚蓬忽起望中愁九江月冷琵琶夜五老
雲閑菡萏秋形勝宛如前畫盡風流曾記昔年遊不知翠壁
丹崖裏尚有巢松李白不

歸豐城有感

高文矩

閭里睽違二十年重來風景倍凄然居廛日午無諠市負郭
春深有廢田漠漠蓬茅秋欲雨依依籬落晚橫烟繁華一去
風流盡賴有長江慰目前

武陽道中

施景舟

赤日將中暑漸侵郵亭少駐豁煩襟風回屋角來涼氣雲度
山腰落午陰柳外平沙連岸遠竹間幽徑入村深田家自得
身平樂耕種都忘勢利心

南陽道中

山巔草迳香難攀竹外柴門靜不關詩在淡煙斜日外人行
流水白雲間風前喚鶴摩霄健天際飛龍帶雨還事業時來
隨世用山林老去任投閒

清所軒

妙年高蹈遠朝班襟度瀟然隔市闌山水閑情超物外乾坤
清氣落人間溪橋雪後騎驢去月夜梅邊待鶴還老我江湖
非俗客龍門何日許躋攀

戎王出獵畝

涂守約

九月遼陽草正黃天山飛兎白如霜驍騰已合三軍勢猛銳
猶思百戰場金鼎割鮮供上將玉甌和血飯名王燕支小隊
穹廬出也向天邊猶鷹行

離亂

離亂江城聽鼓笳感時長是憶京華秋風屢泣湘靈瑟斜日
虛疑漢使槎一歲華夷歸正統一朝文物屬誰家皇輿不復
英雄老羞對寒流拂劍花

秋望

秋望
子不還鄉獨上高城望大荒西北窮陰連莽蒼東南
巨浸接微茫三分世運徵庸少八月風沙草木黃欲獻封章
何處是五雲宮闕近扶桑

詠馬

海上龍媒不可招千金毛骨市迢迢蹄翻白雲空中見影逐
玄雲日下飄畏甲夜隨沙噴戰籠鞍春入紫宸朝房星窈窕
孫陽死轉覺駑駘意氣驕

次韻奉謝芝軒中丞

桂如祖

星動蓬萊候使車金銀佛寺桂花初喜瞻上相威儀盛深媿
狂生禮法踈甘露凝香瑤席酒卿雲絢綵錦箋書座隅屢沐
垂青眎敢頌明廷錫峻除

用太古顛韻柬于士演

趙宗詰

宦轍歸來事，厭詩情多向醉餘添。夢醒竹樹雲連屋，吟到梅花雪覆簷。鍊藥鼎中惟慕葛，垂綸溪上獨懷嚴。明當訪子吳橋外，共看秋潭半夜蟾。

聞諸公遊筆架山有作

王茂建

三山削出翠芙蓉，縹緲樓居接太空。雲裏吹簫騎鳳，史松陰留奕茹芝翁。神情浩蕩思遺世，鬢髮飄蕭欲馭風。問訊廣成何處在，好乘鸞馭入無窮。

秋日旅懷

西風薄暮思悠悠，冉冉年光不暫留。仕止固知無定策，行藏寧敢昧前脩。伴狂歎鳳非吾事，涕泣傷麟豈自由。碩果若存吾道泰，何憂書劍尚周流。

雨後夕涼東友人

山中向夕雨初收，窓戶無人熠燿流。鳴杵幾家臨積水，征鴻一片度危樓。涼陰滿地梧桐月，露氣涵香薜荔秋。誰道平生甘寂寞，夢闌偏憶太平遊。

暮春即事

塵事勞，兩鬢霜。愁將清鏡閱年光，磨礪歲月歸吟社。檢束生涯入醉鄉，草引閑情頻悵望。蝶隨春夢屋為心，揚覺餘一翠茶甌罷。短笛清風正夕陽。

題熊務成晚翠軒

結構幽軒近翠岑，晚來飛翠鬱沉沉。琴床不雨長生潤，書幌雖晴亦抱陰。半照夕陽成異彩，淡籠高樹護栖禽。知君久澤文章美，却笑南山隱豹心。

歲暮病中感懷

北風吹袂褐衣單客舍淒清暮雨寒酒為病多經月斷愁隨
日積幾時寬身閑守道誰云易世薄安生策最難若是滄洲
可乘興扁舟獨往坐持竿

秀峰懷古

袁仲徵

湯池壁壘讓王城奴隸猶聞至德名差闕之摧神木柱胥祠
仍薦血毛牲空山落日狐狸出荒徑秋風麋鹿行橫梨冢吟
竟何在水流東去寂無聲

和黃芝山奉虞奎章京師回程韻

張孟植

馬蹄翻雪響春潮溝柳搖春接御橋地轉青陽元氣潤日舒
黃道五雲遙侍臣綵筆誰簪髮猛將龍泉各在腰獬豸不教
當殿陞鳳皇端合舞簫韶

吉安分司看老所感

湖西香透百花英騎馬觀風柳外行未效股肱宣氣力須將
耳目達聰明雲開鬢鬢蟬山碧瀨漲紋回吉水清紅綠無言
慙春老野梅酸味若為情

同戚相公往吉贛

六月初從度嶺回秋風旋自出霜臺重分玉節臨邊郡常許
丹心燭上台捧詔暫為安撫使行歌應媿激揚才紫薇花下
青羊客恩化同宣慰勞來

秦望山

黃子鎮

萬騎東行上會稽此山登望海天涯神人鞭石立坤動方士
乘舟歲月遲一夕平陰持白壁五年豐邑起朱戟那知千古
蒙餘烈忍對西風讀斷碑

會稽南鎮

巨鎮東南表海邦，玉書金簡昔人藏。
雲從禹會日本侯國星列，周官奠職方野迤莓苔。
秋樹老空山香火夕，暉涼共惟歲編宗群祀勅使年。
攝薦璋

春日東行道上

青郊卉散晴暉芳樹頻，聞一鳥啼山驛水流花。
落盡石田雲暖麥抽齊，禊房鑿路當岩半釣屋。
維舟傍竹行過野橋，入語近尋源應到武陵溪。

過梁安峽

書畫艇頭載酒迴滄洲，斜日隔風埃。一雙白鳥北人
去無數，青山似馬來。天際雨帆梁峽出水心，雲寺石門
開襟期浩蕩。君知我授簡惟慚賦峴臺。

和林一原題西乾廟韻

小友曾

美人西扣古王宮，雅枕山窓曙色溶。
嵐氣秋來深似海，嶺雲日暮碧於松。
苔生堦面侵銅鼓，水落波心起石龍。
一路西風吹醉帽，黃花滿地似春濃。

郭彥達都事悠然亭

悠然亭上翠浮空，林壑歸來一笑同。
稚子春游脩竹裏，詩人夜醉白雲中。
瀟山連屋書千卷，泝水當軒菊萬叢。
招隱欲題應有待，漁竿閑颺落花風。

寄建安經歷沙子中同年

離亭旌佩思絲，江上西風落木聞。
客棹相逢前日雨，漁簖猶挂隔溪雲。
小樓吹笛青山老，返照移樽碧草醺。
萬里霞洲望不極，祇將秋水贈夫君。

懷友

憶得城東賣酒旗，維舟立馬意誰知。
江流來去相思後，帆影悠悠獨去時。
巫峽秋雲連泰華，金陵春草接黃陂。
紅塵孤負滄浪釣，猶擬梅邊寄一詩。

興聖殿進史

瑤編初進侍清光，日麗龍池晝刻長。
堤柳染成春水色，宮花併入御爐香。
金壺洒露曾階滑，玉碗分冰廣殿涼。
矇矓似知天意喜，鳳笙新奏五雲章。

喜辛少府田巡檢見過

揚叔倫

谷鳥嚶，伐木時。一溪流水夕陽遲。
晴黃草色烟生野，春入楊花雪滿枝。
深館忽聞臨騎至，青燈喜與故人期。
明朝只恐書急又向山中賦別離。

題吳氏廣山堂

群峰數里鬱蒼蒼，樹勢參差野迳遙。
門巷落花無過客，堦除殘日見歸樵。
明時屏迹書千卷，皓首忘機酒一瓢。
歌斷考槃秋思遠，滿林風竹夜蕭蕭。

送季上人歸金華山

南村十月荒草稀，白鷗半兼鴻鴈飛。
夕陽在野雨初散，秋葉滿林僧獨歸。
空中聽法花委地，海上洗鉢雲生衣。
去來飄忽無定迹，回首青山深翠微。

舟行阻風題望湖亭

李伯棟

平湖未落連天水，古木猶號捲地風。
故國山河餘曩夢，逐臣文字尚龍宮。
三江雪立銀山碎，五老雲屯玉障雄。
喚醒馮夷同一笑，酒船撾鼓過江東。

歸舟

濤頭飛雪洒牙檣聊伴閑鷗擊晚航天濶斜陽下平楚地偏
遺老說荒唐水粘彭蠡皆澄碧山入康廬盡老蒼掛席不知
牛斗近夜深寒色捲龍光

寄番陽李雋民

丁瓊翁

湖海飄蓬二十春歸來小隱樂天真詩書有味世情淡林澗
無慚歲月新耳冷不聞天下士顏蒼羞看鏡中人早求涓滴
蟾蜍水淨洗毫端一點塵

九日前呈吳仲德

滿目空山杳靄中群鳥何處辨雌雄黃花卧檻重陽雨紅葉
滿階今夜風有客思家懷渭北無人送酒過籬東斯文骨肉
如相念此會年々歲々同

病後寄友

藥竈烟消白晝閑披衣力疾話平安十年不覺九番病百歲
能逢幾度歡皆有綠苔綠客少頭無白髮為心寬老天肯把
英雄困抖擻精神取劍看

谷山長楊師善

蕭散襟懷醉復醒眼前蒼蒼半凋零百年時節幾樽酒萬古
乾坤一旅亭衰殘底須歌纂々人生難得髮星星直得一篆
消浮慮日讀黃庭兩卷經

求李推官粲然賦怪石詩

煙波萬里去來歸底事謀生與願違海濶已知鯤北化月明
誰念鷓南飛詩無好句經題品石有奇形待發揮相識滿前
言累百如公名實世間稀

除日送客

曆盡年窮可奈何東流赴海不回波水寒夜靜無漁釣歲晚
江空有客歌去日漸多來日少醉時常少醒時多明朝已是
五十九惆悵餘年一擲梭

戊子冬鑿池種果偶成

南北驅馳風俗殊歸來老圃就荒蕪黃金買貴尔為尔白屋
安閑吾愛吾種摘自期周歲縮放魚誰望報恩珠窮堅老壯
男兒事底用悲歌缺唾壺

暮春夜宴亦樂亭

萬物乾坤橐籥中生之化之總成空年侵髮共有千絲白春去
花無一點紅池水深之涵夜月塔鈴歷之語天風闌干倚遍
憂何事宿酒繞醒日又東

和蒼岩同知元旦偶成

辜德中

雲霞出海挾飛龍率土王臣盡鞠躬帽壓宮花明旭日旗翻
御柳試東風瑤圖啓運三台正金鼎調元萬物通一寸丹誠
天咫尺自憐葵藿與心同

早起作

啼罷金鷄乍啓關鐘鳴更盡漏聲乾白生虛室天光發影轉
斜窓月色殘念母自憐歸夢短忠君惟有此心丹致之為善
真吾事木箭終期透石盤

紙帳

畢舜民

藤孰寒砧水不塵幻成蜀纒素無紋下垂四壁恍晴雪春盎
一團眠煖雲無蕙香來從鶴怨有梅花伴與蟾分日高丈五
正酣睡不管傳書扣戶軍

采石吊李白

徐天樂

江上春山飛白雲江頭春水碧粼粼暫遲跨鶴樓前客一吊
騎鯨月下人無柰漢皇重傾國不知飛燕是前身諸公只交
權門手誰為先生問水濱

吊虞雍公

長江往之古今同六代興亡向此中若使舍人長用世不知
擒虎鮮成功平時護國成何事一旦臨危孰似公却怨當時
樊若水錯投鞭影向江東

和宗師吳閑之對月書懷

徐伯通

玉屑頻分仙掌露水壺長對禁城秋旌陽鷄犬雲中宅庾亮
笙歌月下樓白髮未應黃閣老滄波寧許鑑湖遊因看舊賜
貂裘羨拂拭西風碧海頭

琴趣

管元德

枯桐渾不理朱絲心醉心彈識者稀風蕩楊花春去遠恣橫
梅影月來遲閑中不盡登臨意妙處深涵動靜機千載淵明
應冷笑無絃清味少人知

題王縣尉叅老圖

展卷驚看古典刑文章事業更分明兩間以內道為大五福
之中壽最榮槐蔭固知家世美梅仙應是去留輕北歸趁取
斑衣樂笑約春風入酒觥

題知州張仲美自得齋

楊端如

先生學道久無營左右圖書樂性情夜舞春風忘蝶夢曉迎
涼月聽驢鳴黃山不改千年醉泊水還分一派清萬物靜觀
無限意野棠陰外有人耕

題鄱陽盧日章青山晚對樓

潘冬言

村北村南半掩扉
空濛疊嶂渺烟霏
東新谷口樵人唱
采藥林中野叟歸
落木烏棲九秋老
蒼藤猿嘯片雲飛
西風簾捲凭闌立
一笑掀髯送夕暉

海石

張子東

來自珊瑚鐵網邊
濕光長是帶蛟涎
形竒定出帝文口
色赭疑經力士鞭
崑崙兀峯巒低映日
嵌空竇穴曲通泉
太湖靈壁俱塵土
得近幽人几案前

分題賦蘭溪送楊知州之任

兩道清溪繞郭門
遙知候吏出紛紜
蕭々五馬嘶汀月
獵々双旌拂岸雲
春渚暖浮蘭蕙氣
曉波晴漾縠羅紋
西風挂席乘潮去
更听州人說使君

贈廣亮二上人遊越唐

忽逢二朗別忽々
遥指吳關是去蹤
振錫潮頭回白馬
翻經潭上起蒼龍
天邊鍾磬東西寺
雲裏樓臺南北峰
禮遍名山却回日
古藤双擔翠重重

得錢唐故人消息

西子湖邊放鶴仙
幾回同醉木蘭船
相思東路一千里
憶別西風十四年
遠信有時憑鴈寄
新詩近日賴僧傳
不須更問垂綸客
已有霜痕到髮邊

贈壽陽玉關提舉

江以實

虎頭燕頰漢將軍
曾入長楊觀至尊
親射黃熊供御膳
生擒青兕授轅門
旌旗影壓淮雲黑
鼓角聲沉海月昏
一曲鷓鴣紅燭底
幾經釵影落瑤樽

寄秦軒升

雲滿淮濱雪滿空
夢隨飛鶴過江東
槎頭鱸蟹蘆花白玉面
狸分柿葉紅書屋
棊去數夜雨山堂
酒熟納春風
一門外父
中郎長應念低飛
逐走蓬

寄道士甘益謙

梅花滿樹雪晴初
短髮經秋不奈梳
匣拂綠塵看古劍
朱研
清露動殘書
霜寒楚岫後
去遠月冷秦關
鴈影踈却憶道人
無一事紫雲深處
好樓居

九月四日觀駕

劉明子

太平天子出灤京
百辟官僚萬馬迎
金轡引車玄象穩
錦鞵
載宝紫駝輕
微軀幸際乾坤大
萬國齊瞻日月明
夜半玉堂
風露寐夢中猶聽鳳韶鳴

和月彦明賦萬歲山

金碧池臺鳳輦游
琪花瑶草玉蓮秋
萬年海上神仙島
五色
雲中帝子州
宝扇影來開雉尾
金爐香動暗螭頭
狀元詩句
歌堯舜
駕向丹墀獻玉旒

送番陽張小雅之建陽教

陳舜咨

十載青灯照榻寒
薦書一紙下臺端
有材自合為時用
蚤歲
何妨作校官
建水灘頭迎劍佩
考亭祠下拜衣冠
百年道學
淵源在莫厭
先生首宿盤

題新安朱氏石房

陳平仲

紫陽孫住紫陽山
岩居百年華屋閑
穹窿女媧天
五色彷彿
老僧雲半間
春雨壁將苔
蘚畫秋風門用
藤羅閣西有赤松
愛此室駕鴻與君
為往還

贈琴僧

鳳出深林龍躍淵聽師為穎復為賢負多業動風翻譜意蒼
花飛雨打絃冰玉不鳴禪定後雲韶俱在佛生前初衣秋薄
微星冷同上虛堂一榻眠

送江學正之延陵

季子耕鄉接海濱客船東去趁吳歌岐黃學倚官曹重和緩
名居戶版多舐鼎大閑思碧落獻方龍急突滄波故園日寫
平安報野水春風綠滿坡

贈星翁舒達觀

霜風老槐啼暮鴉衣顏入戶頰如霞清宵屢拍蟻旋磨急景
安得龍迴車野飯煮水客行路寒灯生栗親在家青春何不
把賊筆牡丹開遍長安花

醫學

南樓客館雜文

汪復亨

華館高城天一涯相逢江一尔似得沙墻陰綠長魚腥草淺外
紅鮮鳳尾花醉裏不知身是客醒來偏記夢還家雲帆明日
浮滄海却望番禺路更賒

望江亭

余叔容

因過野寺遇閑僧邀我危言丁試一凭秋草青山吳故國夕陽
白塔宋諸陵長江檻外流今古喬木池邊廢興猶有荒涼
餘景在夜深遙見越州燈

京師即事東陳衆仲功教

黃誠父

上林雨過御溝肥杏子金黃心燕歸涼月池臺花冉冉薰風
殿閣柳依依玉笙天上迎丹鳳翠幃雲間導六飛光範獻書
渾未得連環昨夜夢親闈

都門立春

葉仲興

歌徹青陽淑氣回，鳳城春色柳梢來。
萬年枝上東風動，五色雲中麗日開。
內侍惟分銀葉勝，近臣應進玉霞盃。
上林已報花先發，不待伶官羯鼓催。

遊葛仙壇

胡汝為

白雲紅霧鎖仙扉，古木蟠空鶴鶴飛。
丹井草湮翁子去，經床香繹道人歸。
樓臺視昔代興廢，城郭如今人是非。
獨往獨回成感慨，西風吹柱冷侵衣。

簡張立齋

平陸成江斷，往還故井家。
食掩柴門，滿山落葉無行迹。
夾路青松有好顏，結客恨非燕趙士。
許身欲在惠夷間，眼中墜盡一
群蟻，頗喜君能未老閑。

題弋陽荷湖橋

周彌高

一溪流水隔湖山，架石為梁屋數間。
光透雲根分半鏡，影涵波底結連環。
千年鼇背老逾健，百尺龍門夜不閑。
我亦于今題柱客，何時駟馬錦衣還。

呈張伯廣

建溪郭裏晚相逢，握手論心氣誼同。
蒲圃黃精肥夜雨，一林紅杏領春風。
故家又得看喬木，流水何慙奏古桐。
能與正蒙論周易，便將長劍倚崆峒。

題曹氏嘉會堂

劉光烈

嘉會堂前池水清，粉墻朱檻路縈迴。
柳邊立馬離鞍簇，花底持觴綺席開。
醅酌弟兄思孝友，逢迎賓客集英才。
人生且盡良時樂，易見秋霜入鬢來。

贈李道復

王伯益

鞍馬西來氣吐虹，名聲一日壓諸公。面陳王霸龍庭上，手按乾坤虎口中。萬戶封侯子房了，千金為壽仲連東。可憐岑蔚亭前月，倘與狂生此意同。

送王高士

墮甌歸來百念空，自燒靈藥洗衰容。身為幽巽市中客，心在華嵩雲外峰。一片瀨衣如畫鶴，半盃殘飯勝烹龍。只愁了却松楸事，飛入烟蘿不再逢。

和程邦民台州見寄韻

趙德元

流水桃花香不還，天台仙子共盤桓。風雲已慶天門近，世路從渠蜀道難。今日暫為芹泮客，他時端作翰林官。捷聲遠聽鳴珂里，應有新詩寄歲寒。

送汪子中之惠州教

八月西江秋水生，故人別我赴官行。羅浮月落三更夢，庾嶺雲深幾日程。紅樹離離眼熟黃，沙漠漠馬蹄輕。西風儘有南飛鴈，海闊天高也寄聲。

送伯溫弟之廣不憲

周子震

綉衣使者出南荒，蛟鱷形骸氣藏。漢節暫披雲鎖，雪宮袍猶帶御爐香。風清漳海天曉雨洗炎洲，夜月涼早晚除書。兄手草紅雲，須待鴈成行。

贈別明善待制

傅子初

金榜當年第一人，遠騎駘馬訪生民。江南秋老風霜肅，天上春回雨露新。並海鹽烟青未了，近城芻草綠難勻。歸途剩有關心處，細寫封章對紫宸。

寄修三史諸賢

仙李摧殘六十秋，宸居傳舍幾曾留。劄犯北去空亡晉，誓衆南回自繼周。江岸喜聞泥作馬，海陵難渡渚名牛。今逢萬國為家日，正閩須憑熟講修。

贈茅山郎尊師

明月孤岩曉色寒，笑騎白鹿下瑤壇。袖中三尺龍蛇動物外，一壺天地寬囊括。久藏延公口，小爐開新試活人丹。功成歸去春無限，紅杏東風滿藥欄。

嘉興道中

董宗文

入城出城官石梁，西麗北迤遠相望。蒲萄新條初上架，銀杏深枝多覆牆。塋禽作伴采沙渚，官馬將駒鳴草場。倚石浣紗誰氏子，春風回首碧流長。

駕幸上都

居庸削鐵壯重關，萬歲千秋此往還。絕域輿琛通月窟，老人携杖識天顏。駝垂寶絡儀仗麗，象服金輿步驟閑。疎雨洒塵黃道近，憐慈端氣曉雲間。

贈景雲除翰林經筵

玉堂清切禁垣西，引領文口。似聚奎太液，春風陪泛鷁。東華曉日聽鳴鷄，五經會講咨公劄。三史成書錫御題，想見從容治平口。散花香透筵班齊。

省官宴試闈諸公

滕王閣次，總管李子威韻。咸疑膠地憶關公，今日誰知此會同。滿座盡為千里客，一時獨借片帆風。花搖絳蠟波光上，甲蘸紅螺月影中。醉倚闌干送飛鷺，蓬萊縹緲五雲東。

送阮仲庠試吏樂平 蘇簡知州張仲美 貢道父

故家子弟多從吏新進才名總是儒
佇看風濤生羽翼莫忘歲月校玄朱
抱書幕府出即秀退食公庭一事無
閒訊樂事張太守我今佐郡愧庸庸

高清道寄進士困于一

高鼎王

日感斯文惠愛心勿又動式微吟
西風吹柳邊城暮急雨隨朝斷岸
深歸信幾回必後憂離懷惟覺
惱秋砧暫時分手莫酒悵他日
重逢定武林

題孫度芳草堂詩卷

公子開情傲草堂滿床山勢映金
章風生蘭砌清吟骨露凝芸窗
執篆香檜木分陰綠碧瓦瑞蓮
凝露浴方塘喜空雲式燕多於此
收拾新題入錦囊

題陳氏所藏顏魯公平賊帖

李仲美

平原太守為中興天寶年間苦戰征
一紙遺書昭世代千年高義表旂
旌陰山虎嘯神兵合大澤龍跳鬼
母驚一自兩京回玉輦活溪舍笑
寫升平

答吳可堂左丞

程子正

中朝元老謝鈞樞家慶雍容綽有餘
憲府近從迎養志水衡新致候安
書心同泰字均函毓迹與浮雲共
卷舒只恐九重深眷注玄纁加璧
下安車

四月朔日蝕死陵作

旭日初升尉絳宵忽生微翳瑞華
搖龍迎陽燧光無定鳳跨春烟綠
未銷萬國驚心喧奏鼓九重側席
徹聞韶懸知儆戒生勤恤從此昇
平霽聖朝

慶吳開之宗師双目復明

心事從來契窈冥
冰爐懸碧老逢迎
幾年似有雲烟隔
一日還依日月明
重觀殿庭丹陛遠
更瞻霄漢泰階平
時和主聖身長健
不待求仙渡海瀛

送穆宗禋憲郎調閩

東南都會七閩開
千里春風送佩環
自昔鷓鴣思速化
祇今鮮豔侍清班
擯柳葉老行人醉
荔子枝酣暮雨閑
公暇定應多好句
便郵還寄敬亭山

上叅議烏古孫幹卿

祝賓于

中書謀議佇賢才
帝遣皇華一使催
霜到南溟清八郡
星還北斗伴三台
寒膏介冑朝天燭
暖蓋胚胎入鼎梅
釀得泰和凝聚後
武夷山色望歸來

秋風

闐闐西來忽在茲
塞鴻江燕又參差
庭中落葉明皇曲
水上行雲武帝辭
晚影疎林飄鶴毳
暗塵空屋拂虫絲
洛川滿眼涼波起
鱸雪紛然到客思

秋水行舟

厭滌秋塵馬上衫
清江喜見舳艫街
蒹潭盈水香凝棹
荻浦驚鷗雪上帆
錦綉鴛鴦群鷓鴣
好文字魚鰖鷺鷥
饒雲蓬一夜看花夢
清曉芙蓉拆數絨

寄浙省郎中崔伯恭

紫薇香月澹金波
幕下嘉賓德可歌
鮮豔庭前冠角峻
鳳凰池上佩声和
瞻天牛斗星辰潤
接地東南郡國多
相業定歸崔祐甫
人材八百合蒐羅

春日泛舟

黃中玉

溶、遠日蕩湖光魚筍迎舡燕語橫錦纜登牽揚柳岸玉簫
風滿水雲鄉重洲樹色侵空濶別浦人烟隔渺茫醉裏扣舷
歌白苧不知零露濕衣裳

游荷溪作

馬子尚

沿岡度塹小商羊為愛荷溪景物長烟鎖翠厓蒼玉瘦雲迷
石室紫芝香一泓水護真仙跡半畝苔封古刹場薄莫暫依
林下寺山僧面我說空王

舟次廬陵

祝彥祥

已過豐城望吉安畏途如在白雲間詩翁酌酒行虛市舟子
牽知上急灘時估偶從親故問家書難定幾時還性靈何處
堪陶寫一時吟安破旅顏

送危方逸之京

查廣居

石門江上送危郎好上神京北斗傍漢代文章須買馬周家
道德並虞唐柳林馬過沉雲黑沙磧駝鳴落日黃為計遊程
二千里朔風吹雪正茫茫

幽居春夕偶書

葉景南

酒中勲業腹中書左列琴張右設棋清睡更無塵世夢高情
惟有故人知迎軒廣種巢雲樹當戶頰刪礙月枝幾度醉眠
花影密唱歌歸去半醒時

○讀諸家詩喜甚而賦

曹劉風度羨嬋娟江左丰容色皎然工部胸中懸日月翰林
筆下走雲煙辭源古澹陶元亮句法清新白樂天宋世歐蘇
諸子出淡粧濃抹愈清妍

題友琴堂

疇昔知音託久要同聲相和更同條嗟予無用頭甘充頽子
多材尾亦焦七尺身長形固美兩翁調古腹空枵何當共坐
虛簷下握手論心到月高

次衛本憲使紅梅韻

本是孤山雪裏花朱唇得酒改容華貪勾南國佳人面忘却
西湖處士家一種暗香凝夜月十分嬌韻醉晴霞隣牆艷否
誠非伍須信南人語未差

復次前人綠萼梅韻

老兔春香細擣霜更添藍殿越風光喚回庾嶺春風夢染出
羅浮月夜芳日莫冰魂啼翠袖雪殘玄髮益靚裳近來姑射
梳粧別說與林逋合斷腸

讀金中軍

珠玉篇章語不凡宋唐佳句曾清談雲分彩流銀漢月借
波光下石潭老鶴唳霜棲未穩孤鸞對鏡舞初酣直從覆息
推敲後今度詩人數二三

喜余仲揚陪樞掾俞公芳催兵海道歲晚遠歸

羽檄催軍歲晚歸海南消息定何如腰間雖少封侯印囊底
應多盪寇書越水聞山牽舊夢蠻煙瘴雨龍衣一知衣及馬
男兒事莫戀丘園月下鋤

九日感懷

吳風初冷水痕收塞鴈南飛度遠洲歲月無情天地老江山
不盡古今愁黃華謾引盃中物白髮空驚鏡裏秋却笑桓温
清醞後終然無夢到神州

○庚子雪中

跨鶴仙人下太空。散花天女盡嬪從。冰輪玉輦三千里。照蓋銀屏十萬重。海上有山皆霧縠。人間無屋不雲封。凌寒直上岑巒望。月到芙蓉第幾峰。

梅魂

飛入羅浮舊路遙。東風回首思寥寥。玉容猶想霜晨沐。冰魄空疑月夜招。望斷西湖春易老。夢回南國雪初消。枝頭有恨無人見。惹雨蠻煙屬艾蕭。

題鴈飛鳴宿食圖

半幅瀟湘添澹容。暮煙衰雨過關東。啄殘秋黍荒田月。叫斷寒雲古塞風。兩岸孤蒲驚曉夢。一行書札寫晴空。玉樓應候凭闌女。猶望音塵夕照中。

題方華卿竹處亭

負郭為廬小葺闌。遮闌春色萬琅玕。直從雲去千尋碧。微引風來四座寒。月影掃階驚鶴夢。雷聲鞭雨動龍蟠。坡翁去後無知己。誰復敲門倚杖看。

江樓晚覽

峰下煙鬟倚翠樓。長年來此謔吟眸。山高不礙閑雲過。江闊從教逝水流。瘦影疎行初到鴈。舊盟新好耐交鷗。登臨玉宇知安在。斷靄荒煙幾度秋。

赤壁泛舟圖

蘇子乘舟赤壁遊。舟中與客細賡酬。天才妙矣無人敵。斗酒歸而為婦謀。橫槊賦詩殊醜。藉壘盃酌月更風流。古今文士姦雄輩。零落同栖土一丘。

擬呈金指揮

將軍丰彩凜高秋氣壓東南十數州
勅敵望風知退避遺恨無日不歌謳
胸中韜畧侔孫武江左聲名數仲謀
千載日輝呼不返耳孫今日更風流

九日東籬會飲

天高霜重鴈南飛風颺江村賣酒旗
籬落盡開元亮菊賓朋咸賦少陵詩
數莖白髮經秋短一片青山過雨奇
笑口頻開能有幾盃行到手莫遲遲

晚涼池亭讌坐

鎖碧苔

春分

事

辛丑重午

柴門無艾插蓬蒿石鼎清茶勝濁醪
惟有我嫌崔烈臭更無人道屈原高
飲餐角黍醜荆俗靜對爐熏讀史騷
千載獨醒名不朽看人酣飲醉陶陶

層樓遠覽

我來登覽上層樓之外寒煙萬頃秋
江濶空流興廢恨山高不礙古今愁
雲拖暝色歸荒嶠潮帶波聲過遠洲
俯仰乾坤千載事夕陽無語下巖丘

金山寺

釋夢堂名

崢嶸兩岸市鄞開愛靜人尋此處來
水底有天行日月山中無地著塵埃
塔磴燈影明雲杪舡載鐘聲出浪堆
自喜平生有仙骨好風吹上妙高臺

題杭州報國寺儀鳳軒

濤江之上清崔嵬山勢遠從天目來錢氏豈能當王氣郭正
端復是仙才光搖海旭九苞動影拂雲霄雙翅開為我翩然
覽輝下一軒著此亦宜哉

題飛鳴宿食鴈首

釋元叟名端

年去年來無定年中郎何處有書傳影橫剡北月連塞聲斷
衡陽霜滿天雨暗荻花愁晚渚露香孤米落秋田平生千里
與萬里塵世網羅空自纏

題金山寺

釋中峰名本

半江湧出金山寺一簇樓臺兩岸虹月到中宵成白晝浪翻
平地作青天塔鈴自觸微風語灘石長磨細浪圓龍化楚人
來聽法手擎珠獻不論錢

賞心亭次韻

釋笑隱名訢

碌碌從人愧抱閔賞心應共鶴飛還孤舟野水東西渡落日
長懷遠近山神鼓乍喧香霧合賓筵初散綠陰閑相思只尺
長相隔一似河流九曲灣

送郭幹卿學士赴奎章閣次趙魯公韻

歲晏俄聞上國行安車可是暮年情早朝翠霧沾衣濕夜直
銀河入座清社稷憂勤霜髮短江湖歸夢釣絲輕相携不盡
丁寧語歌斷驪駒白下城

送笏子敬之蒼梧尹

簡書深念遠人安出宰蒼梧選上班墟市穀登秋社早津亭
板靜晝陰閑島夷德被唐虞世鄒魯風移桂象間奉詔遺祠
躬謁奠忍看叢竹雨斑斑

送太禧宗禋院照磨觀志能監造御醮還朝
宗禋從事擬分曹卷耳誰冷我馬勞犧象雲雷陳在野鷓鴣
風露出蒲葦周廬入直天光近待漏隨班斗柄高此去便鳴
傳好語雲中錦字認揮毫

次韻王繼學侍御東窓看山

微茫翠浪寫青瑤木末斜分鳥道遙雲歛江亭初過雨月明
津樹欲生潮屋根橋袖知誰種礪曲茅茨許見招不羨涼山
携妓看堆盤繪玉映紅消

客中除夕

釋宗海名元

瞬息光陰赴壑蛇遲留此夕尚天涯三更孤枕兩年夢四壁
一燈十里家是處送窮鷲爆竹巡簷索笑看梅花明朝甲子
須新曆後飲屠蘇莫嘆嗟

送康上人之京

釋楚石名梵疇

花隔深宮柳拂墻少年仍值好春光風飄玉珮紫雲曲日射
金罍夾道香一色樓臺天蕩漾九衢人物海茫茫篋中舊筆
金零落猶記題詩鳳沼傍

寄杭州許萬戶

釋立中名元本

八月錢唐蜃氣紅守江諸將謾論功遐荒未盡歸王貢南海
初聞奉使通帥閫旌旗低白日山城鼓角起悲風不須弔古
遺前事秋草離離滿故宮

富春歸隱圖為鉄雅先生賦

小橋流水隔紅塵亦有漁郎來問津要路只聞收壯士好山
還許住閑人每思李愿歸盤谷獨愛嚴陵老富春便擬采芝
歌隱曲白雲紅樹漫為隣

泊雙井亭有感

涼颺微動水雲收
漚鷺無言泊處幽
露落梧桐雙井冷
月明砧杵萬家秋
貪歡盡醉吳姬酒
長往誰同范蠡舟
最憶多情鄭司馬
琵琶和淚上江州

送趙會憲還司

執簡曾趨玉几傍
繡衣猶帶御爐香
九重哀詔蘇民瘼
一道激清肅憲綱
興學已尊周禮樂
示好賢多紀漢文章
鯨濤已息豺狼伏
歸騎西風滿路霜

題天馬圖

釋古明 名靜慧

八尺飛龍十二閑
飄飄來自崑崙山
曾陪八駿崑崙頂
肯逐群雄草莽間
落日倒行悲峻阪
西風苦戰憶重關
拂郎可是無新貢
天步于今正險艱

深秀亭暮春述懷

釋蘊中 名志變

空庭雨溫聚華茵
回首東風憶遠人
玉砌香銷行跡斷
雕闌吟徹別愁新
樓臺半是前朝景
桃李都承舊日春
歸燕多情還戀主
嘶泥雙拂畫梁塵

次李菊莊韻

十二行窩取次游
道人處處任風流
草衣疎散乾坤老
蓆帽飄蕭湖海秋
太白狂歌沽酒館
元龍高卧讀書樓
相思兩地同明月
南北誰云異馬牛

春日西湖懷古

釋道原 名宗衍

錢唐父老眼看天
破國猶能話昔年
江草忽嘶關北馬
風帆不返海南船
空陵落木無人掃
廢苑餘花只自妍
此日西湖回白首
功名若箇在凌煙

秋興

一別空山舊草亭衣裳五見點秋螢
沙沉短艇餘菰米苔石長鏡老茯苓
弱水蓬萊那可到瞿塘滪瀨不須經
歸帆早晚吳波裏燭之涼風望洞庭

題仙山樓觀國

琅玕珠樹隔煙霄仙子樓居積翠遙
羽化夢驚玄鶴返丹成身與白雲飄
杖隨麋鹿山深淺釣掣鯨魚海動搖
想像虛無曷盡裏秦皇漢武若為招

羨東隣陳隱君

東隣一叟髮如銀每誦嘉言勸社民
但使閭閻能盡聽何愁風俗不還淳
諸僧屢問維摩疾父老深嗟曲逆貧
誰識此翁安樂處乾坤無愧百年身

送王尚書轉漕還京

釋裕之名智惠

白髮蘭臺老鄭崇野人爭識舊乘駝
青冥斧鉞來南國碧海樓船駕順風
夜指星樞天直北曉瞻雲氣日華東
趨朝正及端陽節細葛承恩出漢宮

送王景華道士之京

羽客思歸尺五天雙鳧直上紫雲端
玉簫聲徹春空迥寶劍光浮夜月寒
夢入瑤臺香冉冉步趨青瑣佩珊珊
奉顏重進長生籙南極星迴太乙壇

南屏雨中

又見明古鼎

釋古鼎

五月雨声連六月南屏雲氣擁柴扉
林峦有穴山精出岩谷無人石燕飛
詩句偶從行處得家鄉多在夢中歸
曉來杖策湖頭去春水溶溶沒釣磯

送王宗禮尚書趣運還京

釋大章名曇煥

轉海雲濤萬里賒長風指日望京華南州已入諸侯貢北極
初回奉使槎內燕宮花迎馬酒御溝官柳拂龍沙從容好奏
安時策還見車書混一家

次韻答慈元怨

茅屋住在清江曲蕭洒渾無俗客過流水自懸春藥碓落花
閑度煮雲鍋不耽玄石三年酒只賦梁鴻五噫歌退食歸來
塵事少奮遊回首隔風波

虎丘寺

釋斷江名恩

東西兩寺今為一有客登臨見斷碑刺水殘山王伯業苦風
酸雨鬼仙詩樓臺半落長洲苑簫鼓時來短簿祠盤郢魚腸
不知處輻輳千尺響空池

題漢元帥別業

釋仲銘名克齊

海國元戎吳未斑歸來狂筇看青山田園暮景烟塵外臺榭
春風錦繡間桐影連溪鷗臥穩桂香吹月鶴飛還碧尊絲鱠
黃花酒時向樽前一解顏

送劉侍郎還京

早抱遺經進講筵獨於清禁著先鞭封章獻納星辰表簪筆
追趨雨露邊戎檄久推唐陸贄使槎今識漢張翥鷺啼上苑
還京闕夜半深宮席更前

送除上上人之武林

雪花飛送浙江舡歌斷驪駒一惘然荆棘銅駝淒暮雨樓臺
鐵鳳墮秋烟遼東鶴返塵生海上人歸月在川回首下橋
楊柳外水光山色共晴天

送王尚書還朝兼簡張學士

文采丹山一鳳毛是藩微釁獨賢豪飛帆轉海南風正曳履
趨廷北極高花擁御筵歌湛露香浮宮苑賜蒲萄朝回為報
張燕國莫把新詩奪錦袍

奉寄張晚菴承旨

釋見心名來復

東觀蓬萊紫翠間五雲飛遶珮珊珊宮中夜賜金蓮炬天上
晨趨玉笋班老去乞身思故里閑來隨意宿禪關茗花溪水
春如酒何日誅茅傍碧灣

題許氏環翠亭

繞亭萬竹碧琅玕每共高人賦考槃谷引清風時作籟坐圍
蒼雪畫生寒芭蕉葉大題詩到芍藥花濃把酒看欲掃綠陰
分半榻南歸還與問平安

寄東吳主一部事二首

宦遊隨地問畊鋤占斷湖山十畝居天北故人來遠信浙東
從事拜新除休嗟祿薄生無計但得身閑樂有餘飽啜黃精
一石蓬萊何日疾仙車

瀟洒茅堂傍釣磯春山擁座翠成圍已知地僻幽棲穩莫笑
官閑生事微五柳門前陶令醉百花潭上杜陵歸古來言行
閑榮辱好向風塵蚤息機

芝軒中丞以詩見寄次韻兼謝二首

山擁蛟門海氣陰蓬萊北望獨關心天開日月明黃道地接
風烟暗綠林去國盡懷三獻玉歸田誰散二疏金卧龍有策
終扶漢莫道空為梁父吟

執法南從越絕居綉衣光彩照坤輿黃金遺子無私橐白髮

佳君有諫書遠捷之飛江上羽群竟真作釜中魚歸朝之策
中興業笑我山林與世踈

送宋慶仁還山

布衣不換錦衣榮華蓋南歸問草亭地接漢江連楚白天連
廬阜入吳清山中病起論丹訣池上閑來寫石經自是廣平
心似鐵梅花早勒歲寒銘

題許仲孚梅桂軒

讀書閑向草堂留梅桂聯芳托地幽雪後花園東閣曙月中
子落廣寒秋水枝橫影林塘合金粟吹香几席浮定約逋仙
騎鶴去淮南更共八公遊

送危伯明教授歸臨川

東風鼓拖別龍灣分教南從汝水還萬卷有藏知學富一官

魚鱗喜身閑櫻桃換帖尋常寫首宿堆盤取次食講罷諸生
仍雅集峴臺携酒看青山

答龍子高都事見寄二首

聞說移家水竹西雲松風竹共幽棲每邀賓客談詩飲不
兒童索飯啼荷笠春還耕木壤連筒曉汲灌蔬畦充盤每欲
分清供更喜雕胡似掌齊

舊築草堂鳴鶴落双峰每憶共登臨湖船春水看花渡山
秋風倚樹吟林下栖遲聊寄跡人間興廢不關心別來懶慢
孤清賞坐聽松濤萬壑深

奉東彦明中丞兼寄伯防工部二首

閉遊吳越北青徐歷覽名山大載餘醉解驢驢留客飲賦成
鸚鵡課兒書辭官共喜全高節避俗寧愁久索居自喜多才

為世用長楊諫德重相如

揚烽火接南徐郡邑頻年戰伐餘諭蜀謾傳司馬檄平蠻
誰賜尉陀書公私征斂多乖治庶庶流移少定居憂國早知
心獨苦秋風兩鬢雪霜如

奉寄月彥明中丞

三月扁舟渡鑑湖揀花風急雨晴初共知出處心無愧自信
經綸志未踈海上雲霞明繡斧人間奎壁煥尚書中興近報
王師捷徵詔行看下玉除

東趙子仁僉憲

青雲閣閣重儒林奉詔息承雨露深直諫撻驚冠有豸清貧
不訝橐無金過庭此日勞經畧泉石何時共賞心貽我新詩
看獨好寥々風雅奏遺音

奉柬周伯溫左丞鄔本初樞密二首

學士風流玉雪標蚤陪鳳輦聽仙韶光分蓮炬從天下香
燈烟近日飄書健漢秦誇二策史脩南北見三朝承恩曾記
東來日繡斧光華擁使軺

別來鄞海重相思滿目兵塵狀亂離寒製綠荷聊禦臍晨炊
黃獨謾充飢廬山誰問東林社嶽麓新傳北海碑多謝高文
賁泉石虹光白日走蛟螭

賀蘭公子鄔僉書蚤握銀符贊上樞材屬經綸思稷契兵知
合變說孫吳春吟茂苑花圍座夜醉官船酒滿壺遙憶別來
今七載每煩傳語到慈湖

題趙彥徵溪山小景圖

曾泛苕溪看晚霞紅簾小艇穩於車水道孤岸橋依竹路入

重林屋傍花風外
眠漚驚客笛雲中
吠犬隔仙家秋波千頃
芙蓉老誰覓王孫田釣槎

賦得雲山送趙本初歸越

致政東還荷聖君
卧遊此地絕塵氛
千岩樹色高低見
六寺鐘聲遠近聞
藥確曉鳴丹井雨
酒船春泛鏡湖雲
青鞋未得從吟嘯
遙望耶溪惜袂分

送胡文善之官海南文昌縣二首

瓊州南去海冥冥
婺女垂光應地靈
洞入朱耶龍水白山蟠
黎母瘴烟青郵炊
每食枕榔麵
蠻賦多輸翡翠翎
之有遠入歌善治風謠紀德重鑄銘

九域于今總一家
文昌誰道隔天涯
石馬江酒海淡香收瘴洞花寨上人耕春作市常

詩好儋十泉頭駐小車

藥菴贈四川楊處士

一菴近與葛洪隣
多病應同藥裏親
煮石烟寒金澗曉
燒丹火暖翠房春
批把兩綠開花早
拘把霜紅結子新
架上關來看本草
秘方留待著書人

題徐全仲愚軒

踈慵閑託草堂身
甘與柴桑近結鄰
棄智自全惟用拙
治生無術不嫌貧
藁尊任比溝中斷
燕石徒誇世上珍
薄俗可伶今尚詐
好敦直道慰斯民

西園雅集奇為劉子高題

熙寧諸老賦清遊
雅愛西園樂事幽
文物盡誇唐制作
衣冠渾識晉風流
酒醒花裏盃仍酌
棋罷松間局不收
藉有高入

論世外蓬萊境，寧更何求。

題姜用晦瑣溪隱

營立勛業起家聲，放意滄浪託此生。一笠獨垂溪上釣，萬鍾誰問世間名。霜紅魚蟹秋醪熟，水黑菰蒲夜火明。只恐非熊重應兆，却將英略佐時平。

送錢子與調官

除書新拜荷明君，祖剎春慈采泮芹。食玉未從仙老試，賜金應與故人分。潮紅夜渡城江月，山展晴探禹穴雲。龍節虎符勛烈田，過家先讀表忠文。

備驛如雪面如丹，菱製新成野張寬。擬訪李真期下宅，却從靈徹話休官。霜紅柿葉尊前宿，月白荷花鏡裏看。有約次州鶴去卧雲，不畏碧山寒。

贈樂生謝我同道士

早謁虛皇衣紫綃，禮嚴秩祀久趨朝。署班天上隨龍節，按曲雲間聽鳳韶。丹煉芙蓉金作鼎，露冷沆瀣玉為瓢。冥觀萬象誰同我，便欲因風遡沈寥。

荅社寺臣見寄

慈溪地僻民風古，此處憐君早賦歸。花底壺觴朝勸酒，樹間燈火夜聞機。丹經旧校封靈檢，鶴氅新裁禮太微。漱石枕泉吾乃願，不妨吟賞共岩扉。

次韻趙子將提舉秋興二首

世皇開國鎮深河，重譯來賓玉帛多。畝洽每能崇禮樂，防邊無復事兵戈。山營首宿肥駘馬，沙苑蒲萄貢橐駝。垂統直令傳萬世，誰云歲月漫蹉跎。

絕漠風高雨土沙五雲何處望
京華南征尚阻勤王真北泛
類勞奉使程潘將戈舡遙
燕海國入弓馬田為家洗
兵會有承平日社稷安危不用嗟

次韻奉謝芝軒中丞

辭官不住越山陰慷慨常懷濟世心
諫草日聞通紫禁宮花
曾憶讌瑤林傳家喜有春秋筆
儲橐知無暮夜金
此日東遊
真汗漫滄洲明月聽龍吟

寄東玉山處士

浮玉山前種紫芝松蘿雲月共幽期
封侯不羨黃金印對客
長歌白雪詞柳浪平湖春放棹
花陰公園座書彈棋從游公子
多才俊不寄新詩慰別離

遊石湖蘭若二首

荷花蕩西湖水深上有蘭芷當高岑
客吟時見猿鳥下僧之
不聞鐘磬音雨香秋林橘子熟
雲落空澗棠梨陰閒來掃石
坐竹裏靜與山人論素心

五龍之峯雲作屏双崖削出芙蓉青
何人澗裏拾瑤草有客
松間尋茯苓林風不驚虎卧石山
雨忽來龍聽經吳王臺樹
今寂寞秋香落荔花冥冥

寄察士安廉使時留閩新除侍御史

曾憶乘潮過浙東蛟門南別苦匆匆
舟行越水荷花白馬度
閩山荔子紅闕下有人傳諫草
天邊無使問飄蓬
湛恩新拜
烏臺召只尺蓬萊雨露通

題倪左司遠遊詩卷後家有疑翠軒

文獻家聲五百年宦遊南北歲時遷
棠城譜牒傳今古華省

勛名起後先，芍藥紅雲移幕府。芙蓉綠水放湖舡，公餘坐對吳山好。疑翠吟來第幾篇。

遊南郭園林贈胡處士

家住南園溪上村，絳桃青柳煖雲屯。郭公啼樹山圍屋，艇子看花水到門。春隴犁鋤邀父老，夜窓燈火教兒孫。也知安定風流在，留史從君得細論。

寄胡子立御史兼簡張仲舉承旨老丈樸左丞陳子

山中丞三首

文章御史美風儀，落落聲名上國知。顏石無儲寧戀祿，韜鈴有術欲庄時。繡衣行郡瞻烏府，玉珮朝天集鳳池。更喜澹庵家學在，好陳封事濟艱危。

白髮河東老翰林，虛遊天地寄閒心。尊王曾屈權奸惡，愛國

長鳴浴世百越，水雲霞勞夢想燕山。風雪倦登臨，蛻餘仙骨清如鶴，獨倚鰲峰待月吟。

臨川別久重相思，最憶中丞舊所知。道德揔交天下士，經綸真作帝王師。兵戈滿眼歸無處，若虎論心定幾時。藉是壯遊窮朔漠，南冠一任北風吹。

送馬易之編脩泛海北還

狂飈遙發海東城，十日南風萬里程。神火晝從雲外降，文星夜入斗間明。篙師有喜天山近，颶母無驚海水平。想得到京秋正好，蓬萊獻賦頌河清。

烟雨堆為東吳慈上人賦

微茫竟日混晨晡，寒入袈裟島嶼孤。暝色半空迷鴈鷺，秋聲一片落菰蒲。浮沉已悟漚生滅，渾沌寧知世有無。定起忽看

東海白天鷄啼曉浴金鳥

送榮首座還日本

揚帆八月駕長風直溯扶桑碧海東
雲窻潮翻銀壘白天門
日擁火車紅蝦夷覓得迎沙島
龍伯分齋候水穴應有國人
來問訊散花園座聽談空

王京

黃道大清擁珮珂東南王氣秣陵多
江吞彭蠡來三蜀地接
昆侖帶九河鳳閣曉霞紅散綺
龍池春水綠生波華夷混一
歸真主端拱無為保太和

題黃鶴山王理問竹石圖

黃鶴山中黃鶴仙
馬來竹石萬人傳
秋波影動珊瑚月
空谷寒生翡翠烟
拂地清陰虛冉冉
摩雲高節淨娟娟
身隨便比

對君祿千畝何堪賦渭川

梅竹齋為清江隱者題

山齋高隱寄閒情
竹友梅兄喜更清
花放早春魁獨占
根移醉日種皆成
千林雪月羅浮影
四座天風嶰谷聲
但使歲寒高節在
色青何必論枯榮

古村為曹簡伯賦

好古依時早結隣
巢居似是葛天民
山川揜在鴻荒世
草木猶含太古春
利祿不謀生計拙
農桑自課俗風淳
可憐城市多機巧
只合茅茨樂此身

贈高陽邢道士善音律

嵩陽道士氣如虹
飛旆翩過剡東
醮斗有靈封綠檢
步虛無譜按黃鍾
金壺爛醉瓊花月
鐵笛橫吹玉樹風
一曲霓裳

空群聽仙遊誰到廣寒宮

雲谷為朝天宮湯道士賦

冶城仙館淨無氛
煉魄閑棲谷裏雲
氣挾風雷通窈窕
香隨芝木散氤氳
傳書鶴去山長暝
採藥童歸路不分
遙見張公種梨處
石門深鎖白紛紛

鳴齋為崆峒李文學題

春入崆峒暖氣回
無邊生意動枯荄
半天風挾河流落
九地雷翻蟄戶開
金石常時聞雅奏
絃歌終歲樂英才
梧桐繞座花如雪
應見朝陽鳳鳥來

學古齋為四明鄭士淵題

棟架何妨積萬編
惟存古道樂閑生
于玄文盡付忘言外
太易須探未畫前
商鼎傳家微有識
虞琴挂壁久無絃
巢居漫笑

謀生拙要使民風似葛天

題臨川徐將軍忠節詩卷太史王伯達銘其墓

埋玉深居汝水東
鐵衣誰洗血痕紅
朝廷日月褒崇爵
鄉井猶傳保障功
北史文章留故碣
南州譜牒識高風
遙知祠屋隣華蓋
丹荔蕉黃感慨中

早朝賜坐

蓬萊雲氣濕袈裟
召對丹墀日未斜
臆部別分香積飯
龍團勅賜上供茶
但知魔佛生同劫
復喜華夷混一家
山野自慚無補報
散花祇樹讀楞伽

寄簡翰林歐陽圭齋先生

先生道德簡宸衷
帝業應多黼黻功
前席屢聞徵賈誼
安車重見起申公
三朝華削垂青史
一代文章變古風
遙想鰲山

春色好蓬萊天近五雲紅

寄邵庵盧侍講先生

南歸華蓋看芙蓉白苧青鞋野興濃
道德三朝禪聖治文章千古振儒宗
閑情澹似雲中鶴老氣清如雪後松
幾憶草堂邀月賦梅花夢覺五更鐘

白牛為日本純上人賦

研雲不住海門東收向楞伽小
及峰露地已忘調伏力雪山誰識
去來蹤放歸祇樹隨羊鹿種就曇
花伴象龍一色天關頭角別水精
池沼玉芙蓉

一夢老人為越蓬萊山胡隱君賦

高卧蓬萊最上峰希夷獨許往來同
三生風月形骸外百歲乾坤寤寐中
槐樹兩涼秋袂薄梨花雲暖夜床空
黑甜自足

平生願不啻東窓曙色紅

鄞湖奉簡賈德舉天使

黃塵歲月苦駸尋激烈長懷報主心
五色雲中須使節九重天上奉綸音
吏迎官驛蒲葑熟馬度秋營首宿深
解石相逢東海寺滙波千頃共清吟

奉答杜堯臣知事見寄

東越論交今十載與君來往各殊方
歸田祇愛幽栖好傳世徒誇姓字香
藥碓寒春山雨急釣船晴逐浦雲忙
立園自足容疎放只恐徵書下帝傍

泊安慶城

釋法智

浮圖高出暮雲低雉堞連陰碧樹齊
茅屋人家兵火後樓船鞞鼓文陽西
大江千里水東去明月一天鳥夜啼
欲醉忠魂

荒塚外白楊秋色轉凄迷

送僧遊廬山

匡廬峰色碧嵯峨送別因思舊所過石上藤蘿明月小水邊
茅屋白雲多衲衣高掛長松樹茶臼頻敲古磬阿亦欲從游
那可再盡將離思付江波

挽潘侯

五馬蕭蕭香莫追訃音驚報羽書馳死生實戴君恩重清白
無慚國士知三獻玉憐和氏泣七哀詩感少陵悲大江千古
流清淺難瀉邦人去後思

送楊治中例免北歸

楊節齋

不及瓜時謝政還離筵草送歸鞍將身許國心元壯立事
無功輿易闕萬疊雲山孤劍晚一鞭風雪短亭寒馬頭依舊

長安道未是人間行路難

落花寄石手章韻

蘭麝香消委廢宮紛紛漠漠夕陽中長門夢斷金閨月南國
歌殘玉樹風流水池塘春色去綠陰庭院彩雲空西園半醉
休回首烟草萋萋雨正紅

出招遠

西出山城入暮雲簿書才罷又風塵草迷石徑蛩聲切雨過
沙闌鹿跡新未息世機還舊隱剛隨時事役閑身浮生休問
誰辛苦看取邯鄲陌上人

鷓鴣笛

無名氏

九臯聲斷楚天秋玉頂丹砂一夕休枯朽挽回生死調凄清
吹盡古今愁魂歸洛海身如寄曲破江城月滿樓悵悵主人

三弄罷香無消息到揚州

天燈

高掛長繩百尺餘直牽紅燭上天衢一包春醴蒸元氣九轉靈丹煉太虛綵鳳抱成吞日卵赤龍嚙出照天珠高不受飛蛾撲長使凡人仰面吁

車中女

青之帷幄映彤車淺露新粧不自渡繡帶垂膺明彩鳳茜羅帕首護雲鴉青夷關外東風柳系柏園中上日花亦有携鞭年少者雕鞍並坐是誰家

文翰類選大成卷第六十三七言律目錄

國朝

劉基 五首 宋濂 二首 詹同 一首 張紳 三首

梁寅 五首 張憲 八首 樂韶 三首 張壽 一首

郭奎 一首 涂穎 一首 王禘 三首 揭執 十九首

謝肅 一首 魏觀 二首 陶誼 五首 張壁 一首

吳哲 九首 王燾 三首 陶宗儀 二首 金思誠 二首

元宣 計八 吳彥貞 計五 夏煜 一首 吳琳 二首

楊訓文 四首 蘭以權 二首 李質 一首 吳植 二首

吳去疾 二首 王佐 二首 貝瓊 三首 吳憲溥 四首

李頎 三首 滕毅 一首 彭鏞 一首 孫炎 二首

顧祿 四首 林洵 二首 宋遜 一首 劉仔肩 一首

文翰類選大成卷第六十三七言律目錄

文翰類選大成卷之六十三

詩類 七言律

國朝

二月二日登樓

劉基

薄寒疎雨集春愁，極難禁獨上樓。
何處山中堪採藥，幾時湖上好乘舟。
嗚泥客燕聊相傍，泛水浮萍可自由。
見說蘭亭依舊在，如今王謝少風流。

次韻會稽音上人

絕頂浮雲瑣石關，曲途危磴阻躋攀。
他年甲楯孤臣泣，此日齋鐘老衲閑。
夜永星河低半樹，天清猿鶴響空山。
干戈未定

左長史上海李伯璵編輯
伴 讀慈谿馮 厚校正

歸何處擬結茅廬積翠間

侍宴鍾山應制時蘭州方奏捷

清和天氣雨晴時。翠麥黃花夾路岐。萬里玉關馳露布。九霄金闕綸雲旗。龍文騶裏驂鸞輅。馬乳蒲萄入羽卮。衰老自慚無補報。叨陪儀鳳侍瑤池。

搖落

搖落江天氣慘悽。野黃雲白感東西。可憐飢鼠當人立。無柰寒鴉向客啼。香夕陽葭浦闌。秋水稻田低。銷魂何地歸。衰疾觸處烟塵沸。鼓鼙

寒夜

月上前山夜寂寥。江城鼓角殷寒宵。魚龍水落滄溟靜。鴻鴈聲來紫塞遙。遙風物自應隨律轉。霜鬢爭得見春消。青缸冷暗

愁眠怯樓外頻移北斗杓

走筆送金賢良

宋濂

飄零已覺二毛侵。且向西風問苦吟。颯雨蠻烟十年夢。龍韜豹略一生心。星垂鍾阜知天近。水入秦淮覺海深。不是秋帆連夜發。典衣沽酒共登臨。

送翰林編脩張仲藻還家畢姻

少年歸娶奏金鑾。喜得

天顏一笑看。紅錦裁雲朝奠鴈。紫簫吹月夜乘鸞。靈椿堂上承中饋。寶鏡臺前結合歡。從此梅花消息好。青綾不似玉堂寒。

春日駕幸鍾山應制

詹同

大駕春晴臨寶地。鍾山老翠擁金仙。瑤花如雨三千界。紫氣成龍五百年。風送香烟浮袈服。池涵樹影拂青天。詞臣侍從

何多辛安得詩才似涌泉

湖中玩月

張紳

銀波千頃照神州此夕人間別是秋地與樓臺相上下天隨
星斗共沉浮一塵不向空中住萬象都從物外求醉吸清華
遊碧落更於何處覓瀛洲

送勤上人歸靈鷲山

靈鷲禪房我所思可堪春晚送勤師半山啼鳥烟霞裏一路
落花風雨時定有猿看窓外果應知苔護壁間詩門前有徑
通三竺欲向中天采石芝

游冶城山

瑤草秋深石磴長半空嵐氣濕衣裳江山佳處一亭古風雨
來時四座涼陰洞水腥龍蛟骨仙岩雲暖麝生香道人好護

新松樹長見清陰覆 御床

何伯遜見訪贈詩和答

梁寅

百里來尋水竹村鵲聲將喜報衡門山中白石聊同煮世上
黃金未足論詩似陰何思更苦跡追園綺道尤尊貧家無物
堪娛客一樹寒梅雪映軒

登吳山

城繞青峰錦繡迴仙樓十二競崔嵬雲飛滄海山無盡潮撼
長江雨併來吳相忠魂祠宇在宋皇行殿梵宮開東南都會
金城廢竟日湖船絲竹哀

都下將歸宿石城門外和李仲淵晚過上林

韋曲風光尺五天驕驄嘶過酒樓前龍輿陌路疎雨鳳關
觚接淡烟上相綵旃歸柳外王孫金彈落花邊臨流有客

題佳句不羨春風歌舞遊

次韻姜叔德冬雪

黃雲暮、四山圍翻海陰風撼竹扉珠向美人簾下撒袍當
歸客馬前飛夜窓銷燭增寒氣曉艇掀蓬失翠微豪俊不誇
金帳欵新詩照壁自生輝

抵豫章寄淡溪姜氏叔範叔德叔用叔謙

長羨姜侯兄弟賢幽人庭戶水雲邊花開舊樹觀生意竹長
新葉勝往年留客共尋垂釣侶愛孫仍蓄買書錢相從少壯
今華髮一念睽離一悵然

春日次友人韻

張憲

彩毫凍點新蟬翼奚墨雲磨舊馬肝月落小窓瓊珮冷夢回
孤枕玉筍寒茶醲架雪香玉被公鳳龍川醉倚闌笑我一春

長閉戶柳花填巷卧袁安

良宵

良宵情緒不堪題立遍闌干意欲迷鉄撥忽敲壺口破金刀
頻剪燭心齊綠分揚柳湘簾細紅壓櫻桃斗帳低彷彿第三
橋畔宿月明珠樹夜烏啼

與竊子庶馬敬常飲酒得移字

我愛中州雙國士尊前為我解金龜南山石爛歌逾緩銅柱
沙沉跡未移割土有人窺漢鼎磨崖無客頌唐碑狂生雅抱
澄清志况是聞雞起舞時

臨安軍前

寂歷荒城遍野蒿昔人事業已徒勞鴈將秋色催歸馬楓引
霜華入戰袍地阻東南鄉信遠天昏西北陣雲高不堪屢作

還家夢起向西風撫大刀

井西丹房

葛井西頭更向西丹房高與白雲齊
鉢田虎下飛紅電永海
龍沉結紫泥山鬼俯攔窺
火候爐神伏地巧刀圭
飲餘一盞中黃酒坐聽子規松上啼

次韻贈張省史從軍南征

震天金鼓紫駝驕
早霧連珠畫斗初
甲馬魚鱗開曉日
錦袍花萼上春潮
桃柳雨晴湯泉溢
茉莉風暄海瘴消
幙下何人專舛檄
共誇謀議得張昭

登歌風臺

長陵秋草泣銅駝
臺上豐碑獨未磨
碧魂魄歸來親黨
畫子孫陵替敵人多
威加四海功何在
力剪群雄慮已過
落日大風

吹客淚起彈神劍和悲歌

題崔鶯之像

玉釵斜溜鬢雲鬆
不是崔徽卷裏容
顰蹙遠山增嫵媚
盼澄秋水闌纖穠
影移紅樹西廂月
聲掩朱門半夜鐘
猶似裁詩寄張琪
麗情嬌態萬千重

送桂綺園還紫極宮

樂韶

昔年飛步白雲鄉
珠履曾瞻出上方
天外清風來羽扇
山中明月照霓裳
紫微曉進金函字
丹桂時分絳帳香
一別喜聞多勝事
床頭夜半斗牛光

寄郭子虛

君王龍節照江湖
從事多才冠楚都
宗廟衣冠唐典禮
祠官文物漢規模
高樓綵筆題黃雀
空谷生芻望白駒
廣廈細旂

多暇日好將忠孝翊

皇謨

題天風海濤圖

何處仙人度海濤手持綠玉出波心九天靈響蟠秋葉萬頃
寒潮落晚林龍伯覽輝金灑湘妃弄影翠沉誰將吹作
雄鳴管十二簫中奏五音

答李伯器見寄就次其韻

張籌字惟中無錫人尚書

四十年来一緼袍奉親直欲老清朝鮮魚斫膾歡殊洽老蚌
沉珠恨未銷和藥每收花上露酌泉時挈杖頭瓢嗟余髮作
還鄉夢誰敢重題駟馬橋

宿雨

郭奎

字子章淮南人
都督府參謀

宿雨蕭蕭悴客心高齋連日滯秋陰一枝未遂鷓鴣志四壁

空愁蟋蟀吟家在淮南青桂老門臨湖水白蘋深鯉魚風動
香粳早釣艇誰移近竹林

酬鄒伯謙見寄

涂穎

白髮蕭疎忝侍儀夔龍青瑣許追隨禁廬晚退仍分直宣室
春來屢祝釐翔鳳遠連雙玉關流鶯深啣萬年枝老懷寥落
將何補空有雲泉入夢思

春夜漫興

王禕

金水河頭輦路分深沉庭院柳如雲春來天上渾無跡月到
花間似有痕酒思膏騰欹枕卧鶯聲宛轉隔窓聞千金欲買
長門賦誰似相如善屬文

次韻荅上清周道士

山中一別五經春近得詩篇意度新文字須為方外友神仙

元是世間人洞雲玄虎司丹室壇月青鸞禮玉宸坐對匡廬
秋色好欲將寄遠苦無因

題太長公主林館

揭軌

主家林館御溝西楊柳芙蓉映舞衣玉沼萍開魚上躍繡簾
花妥燕低飛微風軒輦輦宮中去淡月霓裳苑外歸四海昇平
當此日萬年行樂莫相違

送吳元翰之七閩戎幕

銅柱烟消百粵通故人千里入閩中將軍幙府求高適使者
書詞請石洪野館別時楊柳綠絲臺吟處荔枝紅丈夫許與
惟知己須佐雲臺第一功

夜宴許御史園林席上作

梨花雪落又春深同醉名園極賞心病起預愁金谷酒詩成

獨愛玉人吟繞林鳥鵲驚燒燭仰秣青驄聽鼓琴觴詠從教
花月落海棠亭館正陰陰

題殷將軍詩卷

獨枕金戈泪滿襟白雲天遠杳無音萬鍾空有思親恨百戰
應多報主心玉帳頓驚秋露降鉄衣非謂晚寒侵懸知大樹
論勲日風木蕭蕭感慨深

奉和恒陽太守侍駕從畊承恩宴之作

玉趾親勞塞藉田花間冠冕摠承宣頌聲已見登三五貝法
徐看耦十千翠輦省畊陳夏諺金閨錫宴奏虞弦恒陽詞賦
知無敵鳳閣裁詩賀有年

晚歸

苑外金波映水天歸馳蹕躑躅暮江邊鳳凰臺閣初含雨燕子

人家又禁烟詩寫桃花歌扇裏酒携楊柳舞樓前請看秋雨
臙脂并好醉春風玳瑁筵

寄北平部使時江陳傳善

日長柏府文書靜想得臨池對翠微書報麻姑憑鶴寄經留
羽客換鵝歸雨餘山翠飄瑤珮風裏林花落綉衣最愛虞家
文法好流傳那得到岩扉

春日寓居奉懷恒陽使君

寓居官舍近西郊花徑蓬門入草茅客裏青春看易過愁中
白髮信難拋顏公乞米寧無帖魯肅分困喜定交幾度思君
風雨夕鷄鳴庭樹正嗶嗶

莫春清河官舍

高柳長榆風滿林落花門巷晚陰陰守官忽已過三月竊祿
寧無愧寸心汲黯病餘思獻納謝安老去倦登臨新篇滿篋
非經濟空嘆流連歲月深

鄴中

銅爵臺西鶯滿林落花風景強登臨青春憶弟千行泪白首
思家萬里心羈思渾如芳草亂客愁還似綠波深江南山水
終當去何日穿花放棹尋

巽溪亭

溪上林亭清有餘碧沙流水錦難如白雲近接仙人館喬木
遙連故相廬花裏玉琴驚別鶴水邊金錯鱸嘉魚校書文采
今猶昔佇看鳴珂接石渠

楚野軒

清時冠蓋集南州家近章華足賞遊花落綺窓巫峽雨葉飄

金井漢皋秋子虛好待相如寄神文還從宋玉求三楚由來
多秀士佇看繼武鳳池頭

○謝丁從事惠青履

憶昨金闈接履聲歸來弄跡掩柴荆空占天澤幽人言豈
有圮橋俠客名少武青春非壯日著文白髮負平生惟同謝
傳東山履應得尋君共賞情

宴南市樓二首

帝城歌舞樂繁華四海清平正一家龍虎關河環錦繡鳳皇
樓閣麗烟花金錢錫宴息榮異王殿傳宣禮數加冠蓋登臨
皆善賦歌詞只許仲宣誇

詔出金錢送酒壚綺樓勝會集文儒江頭魚藻新開宴苑外
艷鳥花又賜酺趙女酒翻歌扇濕燕姬香罷舞裙紆綉筵莫道

知音少司馬能琴絕代無

天壽節侍宴奉天殿三首

萬年天子宴蓬萊五色雲中寶氣開青瑣班齊駕鸞列玉階
韶舞鳳凰來詞臣上壽陳金鏡羽客來朝獻玉盃白髮校書
何以報惟歌天寶答涓埃

侍宴從容近御床白衣新染御爐香承恩賜坐黃金殿既
醉言歸白玉堂輦道鴛鴦連湛露上林鳳羽絢朝陽校書伏
勝知何補豈有遺經授太常

奉天金殿五雲中特賜儒臣坐殿東青瑣八珎光祿送玉階
九奏教坊供白衣侍宴恩殊絕紫禁尊賢禮益崇歸到玉
堂清醉後照人宮燭瑣窓紅

秋思

綺窓紅燭淡秋光鳳帳流蘇減夕香機杼隔花閑翠戶轆轤
臨水凍銀床秋風紫塞書千里夜月清砧淚數行望斷金鞍
秋又杪芙蓉零落玉池霜

韓信城

謝肅

字原功會稽人福建僉憲

淮流浩蕩楚原平嘆息英雄不再生天日可期歸漢志風雲
猶似下齊兵千年城郭名空在百戰山河姓幾更還酌將軍
一杯酒黃鸝碧草不勝情

贈友二首

魏觀

東山偶為蒼生起南紀來分

聖主憂爭觀台星臨左轄烟如霧月麗中州梁公引士賢才
出韋相傳經弟子留正論每聞閑治體綸音端為老成求

天香詠紫微

清夢繞黃扉國風正頌同公美

重徵傳說歸天上皇敵增赫散人間元氣屬樞機江南民物
今溥厚政教從來願不違

送魏司業出守姑蘇

陶誼

字漢生天台人

東吳父老候麾旌皂蓋朱幡五馬榮名郡暫須煩魏相諸生
久恨失陽城麟符剖玉

君恩重燕寢凝香吏牘清指日徵黃下

丹詔又看環珮入

承明

題方壺山水畫為詹吏部作

方丈蓬萊海上山瓊林琪樹青難扳玉笙倚鳳神仙下羽蓋
驂龍帝子還縹緲遺踪遊物外淋漓醉墨落人間九天步武
尚書履應與壺公接珮環

題四明湛上人鍾秀樓

百尺樓居聳碧霄天開首盡見逍遙一帆春雨來湖口兩岫
青山落樹腰夜坐翻經香欲冷詩成倚柱酒微消東還擬遂
登臨興慚愧無才趁早朝

山居

烟蘿窈窕蔭柴扉路入蒼苔一徑微江燕定巢采白熟岩花
落子結還稀脩琴有制先抄譜沽酒無錢更典衣採藥山童
終日去夜深常與鶴同歸

題嵩高春曉圖

嵩高千仞青崔嵬倚空壁立何雄壯東瞻紅日海底出西引
黃河天上來山君翠蓋弭絳節仙館瓊漿分玉杯我思從之
不可得忽見畫齋雙眼開

嘉禾

張壁

字景辰
陳留人

城樓倒影落湖波湖上風帆鏡裏過歸客自以菰米飯小娃
爭唱竹枝歌接頭艇子輕於葉雪色沙鷗白似鷺鷥此地將軍
戰時血春來丹漬鮮痕多

讀文丞相吟嘯集

吳括

忠臣就死古來多丞相謀生脫網羅憂為春秋明漢賊忍題
風絮泣山河綱常道在詩千首骨尚情長賦六歌留得精誠
等光獄奸覓佞魄奈愁何

丁未二月廿五日西江有感

姑蘇臺上白雲飛城郭人民半是非方寸有時亡七筋夢魂
無夜不庭闈從來此地首書絕漫思還家骨肉稀孝道未全
那敢死暗將孤泪濕征衣

丙申三月從平章左公恭我臨安過南山訪楊鐵崖

先生時谿漲馬不克渡延佇口號

旂旄晨趨十萬軍青幕府事終
卧龍不遠滄浪窟走馬
來看館閣文春過名山花
亂落雨晴飛瀑路難分
先生高伴
洪厓孺獨向溪邊望白雲

小孤山

中流玉卓迥無群大海雄藩自楚分
絕頂薰蕪常蔽日靚妝
樓閣不藏雲孤閣直能樓宅亂
水平鋪鳥篆文我欲維舟
明月裏為神鼓瑟候相君

遣興答李道源

徒步何憂髀肉消賦歸無待楚辭
心塵淨藥籠三年艾渡落
人寰五石瓢簞笠雨掩滄海釣
斧斤特趁白雲樵遊仙枕上
西池月轉覺東華曙色遙

七夕渡成

烏鵲梁成歲一過靈風山夕度
鳴珂鶴斂再合駢金股牛渚
重來失素波巧落人間徵應少
愁歸天上別離多迴車月暗
無消息香霧雲鬢奈尔何

寄題王梧溪先生烏溪隱居

陸海躡塵竟不開早從人世得天台
扶藜洞口晴雲出濯髮
林端夕吹來述作才長勞汗竹謀
護壽在潤生苔喜聞家政
傳諸子十畝黃雲菘酒材

和張拱辰輩中秋傳波韻

頗怪清狂廢客眠桂花飛雨落瓊
筵宣壺漏轉烏啼樹僊佩
聲微鶴上天載月輕槎渾汎葉
吹雲長笛捲如椽百年高會
誰能識一為新詩作浪傳

送秦東海法師遊上清 王嘏字伯純

為愛仙山絕世氣蒼苔寂寞路難分
白羊歲久渾疑石瓊樹
春深半是雲洗藥泉香能蛇骨吹簫
臺迥鶴成群隱文祕訣
無人識我欲相從一問君

寄倪元鎮

赤水丹山隔兩塵麻姑書信莫辭頻
久知鴻寶飛騰術獨許
青雲磊落人賓戲能消春晝永茗香
聊試石泉新東風回首
松陵道重擬携書與卜鄰

送錢思復提學歸曲江舊隱

湖海多年鬢欲銀一官依舊廣文貧
淹留濁世惟懷土寂寞
青衫不受塵酒伴凋零元自少詩筒
來往莫嫌頻曲江春水
應無恙安得相從與卜鄰

激懷樓為章處士賦 陶宗儀字九成州江人

樓倚青霄護赤闌時登眺頻入
寰宇含虛景東西泐坐
攄清暉四五山古調寂寥惟自適
野情蕭散寄餘閒
益埃迥隔圖書秘好約游仙共往還

送殊上人游武林聽法

湖上諸峰入望青尋幽歷記吾曾
半蓬殘雪溪南別一錫
閒雲雨後登時向定回聞戒法便
後悟處剖宗乘明年二月
還相逐且說傳來第幾燈

送黃仲珍會試 全思誠字希賢華亭人

候鶴灘前凍雨收賓筵載詠鹿吻
右文天子春秋富勸駕諸侯禮數
優日下五雲生北關天邊一鷁
起南州遙知入射丹墀策象管翻
思不休

寄虞彦高縣尹問疾

陶令西山去養痾秋來病減幾多多
千年松下得琥珀萬壑
雨餘生薜蘿有客饋魚供野酌
何人擊竹和樵歌長吟不言
相思意矯首霜前一鴈過

題顏希古忠孝堂卷

元宣 字伯長

力孝為忠世所希高堂榮慶春暉紫
鸞回紙傳金誥花蝶
封羅製絲衣桃熟定從瑤圃獻
桂香猶是廣寒歸史官直筆
旌雙美甫、祥雲棟宇飛

遊龍翔寺

飛橋北上轉光風窈窕慈雲接故宮
麟趾不來行殿發龍光
還在御床空岩廊萬像丹青合樓閣
諸天錦繡同幾度殘鍾
敲落日老僧猶泣鼎湖弓

題寫韻軒二首

双吹鳳管度西山城上樓臺記往還
寶帙不開秋月冷翠屏
長對暮雲閑幽蘭燁、當窓淨細草
年、上砌斑想得凌風
環珮響墨香猶在綺窓間

學書仙子髮如鴉天上珠簾卷曙霞
綠硯自分金掌露綵毫
應染玉箋花神情冉冉翔寫下逸興
飄、舞鶴斜寫遍四聲
諧妙律洞章吟向太清家

鎖鐵柱

湖上波濤一劍空冶金留取鎮龍宮
八方靈索懸坤軸萬古
蒼標定劫風不用斷鰲重立極抵令
降恠暗銷雄神仙本是
空無事即此方知濟世功

庶使吳公便宜行事招捕江西賦詩為賀

三家清望切金門賜鉞專征節制尊一道獨傳

天子詔萬人爭識郡公孫陣圖成筭還諸葛銅柱奇勳屬焉
援明日繡衣開玉帳降旗閃、拜殊恩

贈李鍊師

曾從京國領祠官濟岱諸山奉詔看三殿傳香招瑞鶴九宮
陳祀接飛鳶鑄金舊觀軒轅昂伏火新求太乙丹却厭遊塵
澆仙袂自歸雲島種琅玕

送任經歷彥通

湖上風來五月秋使君歸興滿扁舟綠荷盤冷頻分鱸白苧
衣輕自押鷗雨漲定聞蛟吼柱天湄還見振為樓陶朱宮在
休官後莫厭烟波萬里遊

觀章謙齋石丞畫像

已率苗民格有虞還聞耆老泣洪都人間龍虎開豁零天上
騏驎失画圖烟雨荒城迷故宅弓刀瘴海保遺孤百年事業
英雄後俯仰空慙七尺軀

投贈韓憲使

世宦中朝濟盛時蚤陳三策動龍輝魏公再入名臣譜韓
子重為太學師玉署脩辭增帝紀烏臺建議肅朝規清華若
歷忠誠著始識真儒鮮有為

投贈兵部常主事二首

河上軍麾忽五年江淮監銳又臨邊極知

聖主紆神策復命儒臣領將權憲使精忠懸白日尚書正氣
肅秋天幕中况復登才傑勛業當今後世傳

帷幄參謀任匪輕知君自昔負才名祥麟必向周郊出儀鳳

元從舜世鳴兩暗江城春轉粟月寒霜壘夜論兵願將江漢
丞民雅盡入東風凱奏聲

禽徐生問詩

少日題詩愧老成中年漂泊讓才名師襄去亂亡周雅宋玉
悲秋學楚聲月榭謾同烏鵲怨陽岡何得鳳皇鳴歸來信有
餘師在千古聲歌繫性情

壽左丞

華省春風佩馬鳴沙堤人喜相君行斯文斟酌由深淺言道
權衡在重輕左輔位聯南極見上台光指秦階平要知功業
如司馬輦下兒童誦姓名

鳳皇臺

神鳳何年降赤霄空臺尋訪語已定在村西莫江為甄海氣

東生地應潮岡岡黃龍松舟、一橋傾朱雀草簫、謫仙題徧
興亡事誰復長才詠六朝

豐城九龍山双髻峯

九龍蟠處是仙家閑與幽人躡曉霞石裂雲間開一逕
分天上蒼双丫洗頭玉女垂秋露北自面靈娥倚暮花勝境真能
超浩劫誰從此地飯胡麻

奉獻丞相

紫誥新頒慶築壇新蕪將相聳朝端賜小玉節龍光動恩重
金符虎氣蟠鼓角声酣闔嶠肅旌旗影拂海天寒八州士庶
傳威德預納降書待撫安

江南平章道同公以功拜璽書陞大司徒瀆服奠安
喜而有賦

聖代報功開盛典，藩臣特拜大司徒。河山信誓不盟券，江廣安危繫廟謨。龍篆獨頒開府印，虎文交鑄從官符。崧高佇奏周王雅，不數麒麟畫漢圖。

送王公輔之京

吳彥貞

奉詔遠趨雙闕下，承恩遙拜五雲間。宮花春簇麒麟殿，仙仗宵嚴虎豹關。聲動簫韶陪御宴，香飄劍佩拱朝班。定知衣錦寧親日，携得炉烟滿袖還。

寄紀善饒仲恭

東風吹雨落花餘，惜別誰能阻索居。湘渚啼猿空有賦，衡陽歸鴈久無書。懸知賈誼頻虛席，見說鄒陽獨曳裾。遙想從容陪步輦，對歸月在玉階除。

春暮

吾老漂零媿不才，更堪時序古相催。杜陵空有無家別，王粲唯餘去國哀。三月烟花正甚好，百年懷抱幾時開。月明千里徒長憶，拄杖當階只獨來。

追昔

玉輦曾聞天上過，千官看罷後庭秋。深河萬方喜見車書混，四海寧知戰伐多。香歸心隨白雁蕭，殘照落滄波。春風麥秀愁難盡，回首悲歌可奈何。

登宜川鳳山

鳳去仙臺迹獨存，風烟慘淡望中昏。山連雲氣通華蓋，月湧江聲下海門。丹桂凌秋香自遠，紫芝照夜露初繁。拂衣擬問長年術，頓挹浮丘與細論。

秋懷用簡劄用正

楓葉蕭蕭、荆楚秋寒、江月冷思修、雲連北極三千里、塵暗
西江十一州、諸葛有才終佐漢、唐吾雖霸、寧周乘高幾度
空搔首、城郭砧聲更起愁

送鄧朝用歸南昌

關下承恩拜瑣闈、故辭榮祿解朝衣、曉陪鸞鷲趨丹陛、夕
向烟霞卧翠微、三逕已聞陶令去、四明寧許季真歸、欲知後
夜思君處、鶴唳湖東白石磯

新春試筆

氣轉東皇逼歲華、青郊欲曙散殘雪、寒輕曉拂窓前霧、香動
晴飄雪裏花、絲筆漫勞春獻頌、綠酒無復夜流霞、壯心寥落
難歡賞、迢遞層城擁鼓笳

過南園無作隱者故居

敢憶南園隱者廬、春雲芳樹亂林樾、疎閑亭虛蔭先生柳、綠
曾停御史車、山鳥鳴時疎雨過、工欄題處落花餘、不堪回首
城南路、蔓草寒烟夕照虛

次鄧若泉韻就用簡之

盛世衣冠贊大猷、更無道德並高周、文章敢謂才窺豹、慷慨
徒歎氣分牛、落日悲笳秦苑夕、西風黃葉漢宮秋、茂陵千古
汾河興、還憶中流發棹謳

羊角洞天

羊角空餘石一拳、九泉陰洞閱千年、天邊影斷靈鳥遠、海上
書曾一鶴傳、臺殿潛幽淹日月、笙簫驚夢隔雲烟、夜涼紫氣
浮仙關、始信人間別有天

美章平章

璽書飛拜下青霄二十功成珥漢貂父老捻迎孫討虜蕃戎
應畏霍嫖姚一門慷慨才難並一日戰飛揚氣不驕歸觀行聞
歌杖社好將忠義富清朝

題許仲孚梅桂軒

月榭憑池漾碧波寒梅丹桂共婆娑光搖玉樹當窓近香撲
金花點石多仙關露涼秋共折孤山雪霽夢曾過登臨不負
幽栖興幾欲凌風振佩珂

春江花月夜

翠華巡幸駐離宮錦纜龍舟重乘東銀甕香浮仙醴綠金堤
花簇御筵紅逶迤簫鼓來天上滉漾旌旗在月中回首可憐
春殿隔如花宮女泣東風

秋興

驪山蒼翠繞秦宮向夕砧聲漢苑空樓閣參差涵暮景楸梧
遠近動秋風雲寒仙掌蒼烟外月冷銅駝蔓草中千古悲涼
興往事滔、渭水日從東

康郎山奉旨

夏煜

三軍戰罷日重輪好雨東來為洗塵絕壁秋聲清漱玉白沙
月色爛堆銀氣成龍虎知王者兆應熊羆得老臣半夜內宮
催草檄燭花影裏繡衣新

廣南舟中

吳琳字觀錫
齊安人

嶺海重瞻宇宙新民風尚似古時淳
蛟人浮宅一舟小蠻女
汲溪雙甕勻冬煖有花飛蝶蝶天荒無筆寫麒麟茲行猶幸
諸君子相約同看上苑春

開化道中

重岡狹路倦登臨，喜見溪流華步深。
楊柳樹邊舟小，海棠花上雨沉。
一春王事過三月，千里家書繫寸心。
無補盛時，縻好爵，樗材只合老雲林。

周元善以蓬山自號為賦

楊訓文

蓬萊山色鬱嵯峨，上有神仙醉後歌。
瑤草綠深知歲久，琪花香暖得春多。
虛勞謝叟乘舟問，曾見秦人采藥過。
獨有周君會中意，不須辛苦涉風波。

賦得鳳凰池送李教授歸河南

鳳凰池上送歸船，渺々清波接遠天。
沙嘴雨添蒼色潤，溪毛春濯錦紋鮮。
來儀宛似聆韶樂，應瑞何殊集穎川。
從此揚帆看君去，微垣明日聽傳宣。

寄石仲文

故人別後復如何，不寄新詩到薜蘿。
賈誼書成何日上，張衡愁此向時多。
江城木落霜連地，澤國天寒水不波。
重約明年秋八月，紫薇花底共鳴珂。

水雲軒為張志道賦

華軒結構水雲鄉，中有高人逸興長。
睡起波光搖簡冊，坐來嵐氣潤衣裳。
青山常立飛甍外，白鳥時過釣艇傍。
相對絲絲猿詩思，豈應重問舊滄浪。

題劉郎中雲海蓬萊軒

蘭以權

誰信劉郎是謫仙，行軒不減洞中天。
蛟龍噓氣成樓閣，島嶼無波見市廛。
鶴到詩壇通遠信，人看碁局惜流年。
居自愛三山好，贏得烟波滿目前。

酬寶秀才

旅宿三秋依古寺御溝斜月似秦淮欲憑征鴈傳鄉信却厭
鳴蛩感客懷剪燭且為談磊落敲碁還可助俳諧休嗟行篋
空如洗猶有黃金半股釵

王臺驛亭子

李質

字文彬廣東人

春去臺空迹已陳危亭傑出澗之濱清溪繞屋可濯足好鳥
隔江如喚人明月委波金漱灩青山帶雪玉嶙峋桃花流水
非人世或有漁郎來問津

題蘆花被圖

吳植

秋風吟就蘆花被一落人間知幾年澤國烟波惟見畫詩翁
毛骨久成仙高情都付滄洲外舊夢長隨白鳥邊日暮江空
轉晴雪至今惆悵釣魚船

秋水軒

秋水軒前秋水清美人曾此濯冠纓

芙蓉隔檻零露夕鷓鴣

滿汀殘照明洛浦佩環誰共解渚宮

賦詠謾多情滄浪歌罷

無人和何處蕪葭月又生

春日雨中示友人

吳去疾

又慶人

二月已過三月臨茅堂寂寥常雨陰

楊花白々落已盡楊柳

青潭未深何日新晴出山郭及時

竹樂稱春心應須載酒

窮幽賞爛醉扶有過竹材

除夕

一暑一寒時又改相看相守過今年

柳擘送酒來深夜銀燭

開花向暮筵物色漸隨新節換老懷

偏為舊時憐獨慙五鬼

窮仍在虛有錢神論可傳

舟次匡廬寄同朝諸公

王佐

翰林同時侍禁闈
息榮寧謂及寒山
詰御史新裁錦繡衣
天上鴉鷺還
年行部如相負
秋水蘆花是釣磯

四山飛翠
苗為孫守禦賦

清溪無地著塵囂
金削芙蓉面
如映日輕如紅雨落
隨風微帶白雲飄
宮袍欲試春偏潤
爐香不相縈
暖未消
思得尚書高
彦敬為揮翰墨寫生綃

書所見感舊

卜銀箏壓坐偏
曾將古調寄祁絃
金籠語可憐
兩鬢秋霜明鏡裡
十年人如畫
空負當年畫船

芙蓉綠水秋將老
鸚鵡春夢夜燈前
湖山隱約

送嚴圭衍聖公希學還關里

吳璣

星斗光芒萬丈騰
賜書連舸出金陵
鴈遠青塚天將雪
馬渡黃河夜已冰
博士經存終漢出
上公爵重自唐升
喜聞手植庭中檜
翠接東蒙幾百層

送愚上人歸越并柬奎方舟

天界歸來亦已遲
庭松此日定回枝
山中結社無靈運
海上留衣有退之
鶴去雲霄隨錫杖
龍收風雨入軍持
西湖若見方舟老
為說三生夢裡詩

送王克讓負外赴陝西

貂裘萬里獨衝寒
舊是含章漢署官
白雪作花人面落
青山如鳳馬頭看
關中將相資王猛
海內蒼生望謝安
應念東南有遺逸
采芝深谷尚盤桓

春日遣懷

吳志淳

字章一

貧病相兼氣未舒，田園雖少樂耕鋤。為儒已入他州籍，垂老
頻收故國書。夜雨湖山人去後，春風門巷燕來初。潘生喜遂
閑居志，阮籍從教禮法疎。

閑居東湖述懷

野叟耕鋤喜近郊，柴門風雨夜蕭騷。卧龍豈欲煩三顧，老鶴
長鳴向九臯。北關湛恩新賜爵，近臣傳勅舊同袍。自怜經濟
全無術，祇有山林興最高。

春游二首

湖上輕風吹柳絲，湖邊細雨濕花枝。百年捲有三萬日，一日
都來十二時。杜老每尋崔氏宅，山翁偏愛習家池。乘閒取醉
真吾事，度水看花也自奇。

山中蘭麝香滿林，故人清遊能遠尋。燕來已覺社日近，寒退
始知春意深。山光入眼裝遠翠，華影到湖生夕陰。愁雲只尺
不一去，薄暮還家空復吟。

送呂君采史北平

李順

字禮部

八月烏啼海子橋，南來使客下青霄。雲埋石室丹書在，日落
延秋翠輦遙。麟史未全歸盛代，龜文猶得認前朝。詞臣載筆
需文獻，莫遣回車久寂寥。

題饒村水紀善臨清道隱

夏澤茅堂類讓東，風流何羨浣花翁。四船載酒行天上，青鳥
銜書度鏡中。塵世自傷棋換劫，文光誰識劍浮虹。衣冠闕閱
無窮思，盡屬滄浪兩鬢蓬。

登五山峯

仙子招邀啓翠闥，瑤臺銀殿宿高寒。吹簫紫鳳雲中下，入洞

蒼虬雨後蟠酒泛流霞對玉髓
爐存伏火候金丹亦松即
留侯問定向東風挂鐵冠

次韻黃秀才秋興

滕毅

虎戰龍爭二十秋
江波日夜自東流
道傍無語王孫泣
天際含颯帝子愁
首肯成烟空壁壘
蕪葭霜露滿汀洲
古今唯有西山月
永夜依然照白頭

送玉筍王道士赴京有代祝嶽瀆之行 彭鏞

三子緜山載碧華
遠隨丹詔親神京
秩宗祀典虞書在
封禪壇壝漢時平
玉筍雲連龍虎氣
金陵天近鳳凰城
祝官拜望宗恩
蚤小朵樓西散珮聲

贈黃鍊師

孫炎

留侯帝子有初平
九歲從師住玉京
天輿數書雪鳥跡
家傳

一曲是龍精
岳池挑子無消息
海水桑田又淺清
我為茶芝

歌一曲夜深相答洞簫聲

奉使還途中聞東征捷音

南來萬馬淨邊塵
銜璧歸朝畫大臣
城上玉繩浮婺女
帳前銀甲擁

天人出師已略扶
桑國奉使須通析
木津遂有江黃慕
中夏可無書檄諭全聞

早朝

顧祿

天上鳴鞭徹曉聞
千官趨謁正纈紵
金門闕處珠簾捲
翠仗臨時寶扇分
光動鳳樓迎瑞日
香浮龍袞護祥雲
小官何幸陪班列
萬歲千秋祝

聖君

天壽節賜宴回九月十八日

千官闕下候晨鐘鳴玉鏘金拜舞同紅旭乍分仙仗裏紫烟
高長御爐中九秋清氣回天地萬歲懽聲祝華嵩高朝嚴傳旨
催賜宴小臣何幸列夔龍

錢塘懷古

帝子龍飛渺海涯城頭落日起悲笳杜鵑夜叫空陵木野鹿
春啼廢苑花綠水已無遊客舫青山都屬梵王家興亡自是
今猶古何必騷人重嘆嗟

過鄱陽湖

臨行醴酒酌湖神打鼓開船出西津雲霧氣蒸迷日月波濤
聲撼震乾坤放歌今日客豪客破敵當年想
至尊咫尺南昌城郭近日將雙之流征壘

送顧謹中赴大學二首

林洵字季文天台人

洪武初年監學開

大明天子育英才不徒貞觀儒風成盛載喜新羅子弟來佩影
三千環壁水書聲日夜徹蓬萊君今此去文名著行見奎光
近上台

春來四海喜昇平花氣浮香日晴儀鳳舞庭為世瑞神駒
脫御向人鳴英年好試春秋學公天譽曾傳月旦評
聖主求賢端為國虎頭不負有鼎云仍

次韻荅友人

宋璣

春來偶覓尋山袂為趁閑雲繞碧流佳興擬酬方外約故人
應住水西頭清尊濁酒偏能酌火棗交梨不外求花信已成
狼籍夢南樓風雨為誰憂

荆南江晚眺有感

劉仔肩

沙頭寒、晚維舟、詞客重來、心緒舊遊、江上夕陽、諸葛廟、雨中
芳草、仲宣樓、天連錦水、來春各一、雲暗襄陽、起暮愁、回首可憐
梁甫意、一官牢落、向南州

文翰類選大成卷六十三

